


鄢陵縣志

第五冊
 卷十三 人物志三 武功
 義行 隱逸
 者壽 藝術
 卷十四 人物志四 列女
 卷十五 藝文志一 制疏
 奏疏


漢書門
 九
 一八
 四八
 八
 架函號類



內閣文庫
 九〇八五
 元二四一七
 架冊號

內閣文庫	番號	漢	9085
	冊數	8	(5)
	函號	292	113

共八本



鄢陵縣志卷之十三

人物志三

武功 藝術

隱逸 流寓

義行

淺草文庫



武功

五代史列馬殷傳于十國中為楚世家誠以殷雖起卒伍然能用高郁尊王仗順之策修貢邀封開國楚服五十七年始終未敢僭號其武功有足多者舊志載入封爵嫌其與封建類相混故特標武功一門其有勲業相類者間亦附入焉志武功

晉

鄢陵縣志

卷之十三 人物志

武功

庾東以勇力聞武帝時有西域健卒趨捷無敵晉人無
敢與校帝募勇士惟東應選遂撲殺之名震殊俗父

輝安北長史子闡

見晉書
庾闡傳

五代

馬殷字霸圖許州鄢陵人唐中和間為孫儒裨將儒戰
死殷等無所歸乃推劉建峯為帥殷為先鋒轉攻豫
章畧虔吉有衆數萬乾寧元年入湖南次澧陵潭州
刺史鄧處訥發邵州兵戍龍回關建峯降其戍將蔣
勛取勛鎧甲旗幟直趨潭州給守者內之遂殺處訥

建峯自稱留後僖宗授以湖南節度使殷為馬步軍
都指揮使建峯不能帥其下常與部曲飲酒譴呼復
私其軍卒陳贍妻被殺軍中推張佶為帥佶將入府
乘馬齧傷左髀佶語諸將曰吾非汝主馬公英勇可
共立之諸將乃殺贍迎殷奉為帥時乾寧三年也唐
拜殷潭州刺史殷遣其將秦彥暉李瓊等攻迥邵彬
衡道永六州皆下之桂管劉士政懼遣將陳可璠率
兵守全義嶺殷遣使往聘不納殷怒遣瓊等往攻擒
可璠虜士政盡取其屬州表瓊桂管觀察使四年拜

殷武安軍節度使初儒敗于宣州弟竇爲楊行密所
執及知爲殷弟乃厚禮遣歸殷喜表竇節度副使行
密遣其將劉存攻杜洪圍鄂州殷遣彥暉救之洪已
敗死存復攻殷殷遣彥暉拒于上流偏將黃璠以舟
三百伏瀏陽口存屢戰不勝致書求和殷欲許之璠
復截江合擊大敗死之取岳州梁太祖卽位殷遣使
修貢拜殷侍中兼中書令封楚王楊行密袁州刺史
呂師周五世將家勇健頗通緯侯兵書嘗謂其裨將
曰吾聞馬公仁者望其營上雲氣甚佳未易敗也乃

托以兵獵境奔殷殷大喜曰吾方南圖嶺表而得此
人足矣以爲馬步軍都指揮使率兵取昭賀梧蒙龔
富等州表師周昭州刺史復遣彥暉攻郎州雷彥恭
于是澧州向瓌辰州宋鄴澱州昌師益等率溪洞諸
蠻皆附殷殷請升朗州爲永順軍表張佶節度使又
請開天冊府置官屬太祖從之拜天冊上將軍殷以
弟竇爲左相存爲右相廖光圖等十八人爲學士末
帝復加武昌靜江寧遠三軍節度洪鄂四面行營都
統唐滅梁遣子希範修貢上梁所授印莊宗璽書慰

勞之明宗卽位遣使修貢并賀正殷初兵力寡與楊行密成汭劉龔爲敵國患之間策于將高郁郁曰成汭地狹兵寡不足爲患龔志在五營行密孫儒之仇雖交以萬金不能得其懽心惟尊王仗順霸者之業今宜內奉朝廷以求封爵而外誇隣敵然後退修兵農畜力而有待爾于是殷始修貢京師然歲貢不過茶茗而已乃自京師至襄唐郢復等州置邸務以賣茶其利十倍郁又教鑄鉛鐵錢以十當銅錢一又令民自造茶通商旅而收其筭歲入萬計由是地大力

完數邀封爵天成二年請建行臺明宗封殷楚國王以潭州爲長沙府建國承制自置官屬竇靜江軍子希振武順軍皆節度使姚彥章左相許德勳右相李鐸司徒崔穎司空拓拔常僕射馬珙尚書文武皆進位諡曾祖筠曰文肅祖正曰莊穆父元豐曰景莊立三廟于長沙長興元年殷卒年七十九詔曰馬殷官爵俱高無以爲贈諡曰武穆而已子希聲立

節五代史本傳

舊志見封爵

馬希聲字若訥殷次子殷建國以希聲判內外諸軍事

荆南高季昌聞殷將高郁有強楚之策嘗使謀行間
殷不聽及希聲用事間遂得行乃矯殷令殺郁殷老
莫知郁死日大霧四塞殷怪語左右曰吾嘗從孫儒
儒每殺不辜天必大霧豈馬步獄有寃死乎明日吏
以狀白殷附膺大哭曰吾荒菘如此而殺吾勲舊吾
亦不久于此矣明年薨希聲嗣立聞梁祖好食雞慕
之乃日烹五十雞以供膳居喪不徹頓食數器葬亦
不入臨禮部侍郎潘起譏之曰昔阮藉居喪而食蒸
豚世豈乏賢耶長興三年卒追封衡陽王弟希範立

同上

馬希範字寶規殷第四子殷子十餘嫡子希振長而賢
其次希聲與希範同日生而希聲母袁有美色希聲
以母寵得立希聲卒而希範以次立襲殷官爵封楚
王希範好學善詩晉高祖嘗詔出兵討安從進李金
全希範遣張少敵以舟兵趨漢陽漕米五萬斛以饋
軍金全等敗乃旋又遣劉勅劉全明等以步卒五千
攻溪州刺史彭士然大敗之走獎州遣其子師曷率
諸蠻酋降溪州西接梓州南通桂林象郡乃立銅柱

爲表命學士李臯銘之于是南寧州酋長莫彥殊率本部十八州都雲酋長尹懷昌率昆明十二部牂牁張萬濬率夷播七州皆附希範作會春園嘉宴堂其費鉅萬始加賦國中拓拔常切諫不可希範又作九龍殿以八龍繞柱自言身一龍也是時契丹滅晉希範牙將丁思覲諫曰先王起卒伍以攻戰而得此州倚朝廷以制隣敵傳國三世有地數千里養兵十萬今天子囚辱中國無主真霸者立功之時誠能悉國之兵出荆襄以趨京師倡義于天下此桓文之業奈

何耗國用而窮土木爲兒女子之樂乎希範謝之思覲嗔目扼喉而死開運四年卒年四十九諡文昭希

廣立

同上

馬希廣字德丕希範同母弟也平時希範惡拓拔常諫諍常入謁希範呼闔者謝絕之及病始思常言以爲忠召之託以希廣常數勸希廣以位奉其兄希萼不從時希萼爲朗州節度聞喪來奔希廣將劉彥瑫以爲意不善張少敵周廷誨亦勸除之希廣泣曰吾兄也焉忍殺之分國而治可也乃以兵迎希萼止之碧

湘宮厚賂以遣之希萼憤然而去乃遣使詣京師求封漢隱帝不許降璽書講解之希萼怒送欵于李景舉兵攻長沙希廣遣彦瑫許可瓊等敗之于濮射洲希萼誘溪洞諸蠻寇益陽希廣遣崔洪璉以步卒七千屯湘鄉遇諸蠻彦瑫以舟兵趨武陵攻希萼彦瑫敗希廣懼遣使請兵京師隱帝不能決希萼率舟兵沿江而上自號順天將軍攻岳州刺史王贊堅城不戰希萼呼贊曰吾昔約君同行今何異贊曰君兄弟不相容而責將吏異心乎願王入長沙不傷同氣臣

其敢不盡節希萼引兵去下湘鄉至長沙屯水西彦瑫可瓊屯水東彭師曷登城望水西軍入白希廣曰武陵兵驕雜以蠻蠻其勢易破請令可瓊等陣山前臣以步兵自巴溪渡江趨岳麓後夜擊之希廣以為可而可瓊已陰送欵于希萼沮其議師曷亟請殺之希廣不聽希萼攻長樂門牙將吳宏楊滌戰于門中希萼少劬已而可瓊奔希萼宏滌聞之皆潰希廣與妻子皆被擒縊殺之乾祐三年希萼自立明年隱帝崩京師大亂希萼遂臣于李景封楚王悉任其弟希



崇以軍政希崇與楚舊將徐威等謀作亂縱惡馬十餘匹隨以壯士突入其府劫庫兵縛希萼囚于衡山迎希崇立之師曷奉希萼爲衡山王臣于李景希崇懼亦請命于景周廣順元年景遣邊鎬入楚盡遷馬氏之族于金陵封希萼楚王居洪州希崇領舒州節度使居揚州顯德三年世宗征淮揚下詔撫安馬氏子孫宋興希崇率兄弟十七人歸京師拜右羽林統軍希能左屯衛希貫右千牛衛皆大將軍希隱希濬希知希朗皆爲節度行軍司馬

同上

馬竇殷弟也與殷俱爲孫儒裨將儒敗竇爲楊行密所執行密收儒餘兵以竇爲黑雲都指揮使數從攻戰有功爲人質重未嘗自矜行密愛之夜卧嘗有光怪問知爲殷弟行密大驚曰汝兄貴矣吾今歸汝可乎竇不對他日又問之竇謝曰臣孫儒敗卒也幸公待以不死非殺身不足報湖南隣境朝夕聞殷動靜足矣不願去也行密歎曰昔吾愛子之貌今吾得子之心矣然勉爲吾合二國之權通商貿易有無以相資亦所以報我也乃厚禮遣歸殷大喜表竇爲節度副

使每勸殷與行密連和殷畏朱全忠不果殷開天冊
府置官屬以賓爲左相及封楚國王賓爲靜江軍節
度使

同上

元

張榮先世清州人徙居鄢陵初以金將降元太祖賜虎
符授懷遠大將軍元帥左都監從太祖征西域至莫
蘭河不能涉榮造船百艘濟之太祖嘉其能陞鎮國
大將軍礮水手元帥後攻鳳翔以礮傷卒年七十三
子奴婢襲陞輔國大將軍領蒙古漢軍守均州拒宋

師流矢中右臂中統三年卒年七十五子君佐襲戍
蔡州調守襄陽從丞相伯顏下漢江又從阿木攻揚
州破常州陞懷遠大將軍揚州平以君佐爲安慶安
撫改黃州加鎮國上將軍仍礮水手元帥命率新附
漢軍萬人修膠西閘壩以通漕運兼海道運糧事是

年卒

舊志

國朝

田希尹字莘野明崇正末以知兵應募爲粵東總戎武
陟伯閻可程監軍

國朝定鼎授惠潮道丘備副使致仕終于家

續志

周奇字天贊順治初應募由行伍屢建戰功累任至陝

西張家灣副將

續志

隱逸

人生惟出處兩端非出則處耳然有性耽泉石不以富貴攬其心此固石隱者流不可以榮辱拘也夫身既隱矣焉用文之雖然藉以風世又安可以不傳志隱逸

漢

庾乘字世遊潁川鄢陵人也少給事縣庭為門士林宗見而拔之勸遊學宮遂為諸生傭後能講論自以卑第每處下坐諸生博士就讐問由是學中以坐下為

貴乘才學博聞微辟並不起世號徵君子疑道孫峻游京師聞魏散騎常侍蘇林在家候之林嘗從乘學見峻流涕曰尊祖高才而性退讓慈和汎愛清靜寡欲不營當世惟修德行而已

後漢書郭泰傳亦晉書庾峻傳舊志闕

吳仲山潁川鄆陵人少立名節約身立已不貪仕進德

美布惠遠近假求不逆人意鄉里化之府縣徵辟不

就卒年八十熹平元年立碑記德碑載金石志

採漢吳仲

山碑舊志闕

晉

庾道乘子廉退貞固養志不仕牛馬有踦齧者恐傷人

不貨于市及子峻貴賜拜大中大夫

晉書庾峻傳舊志闕

南北朝

庾承先字子通潁川鄆陵人也少沉靜有志操是非不

涉於言喜愠不形於色人莫能窺也弱歲受學于南

陽劉虬強記敏識出于羣輩立經釋典靡不該悉九

流七畧咸所精練辟功曹不就乃與道士王僧鎮同

游衡岳晚以弟疾還鄉里遂居士臺山梁鄱陽忠烈

王在州欽其風味要與游處令講老子遠近名僧咸

來赴集論難鋒起異端競至承先徐相酬答皆得所未聞忠烈王尤所欽重中大通三年廬山劉慧斐至荆州承先與之有舊往從之荆峽學徒因請承先講老子湘東王親命駕臨聽議論終日留連月餘乃還山王親祖道并贈篇什隱者美之其年卒時年六十刺史厚有贈賻門人黃士龍讓曰先師平素食不求飽衣不求輕凡有贈遺皆無所受臨終之日誠約家門薄棺周形巾褐為斂雖蒙賚及不敢輕承教旨以違平生之操錢布輕付使反時論高之

南史隱逸傳省志入隱

逸府志舊志同

五代

馬希振殷嫡子長而賢棄官為道士居於家

五代史馬殷傳

明

王玉字蘭田積學能文數就鄉試不中乃隱于酒會當歲貢玉即以讓同學蘇登督學高其義以金帛貺之不受嘯傲林莽引滿自娛以終

舊志

梁棖字林泉質任自然不設城府事親極孝嘗失偶棖親調羹以供父母而自哺其幼子如慈母生長鄉曲

終身未嘗跡涉公廨性愛飲酒親友相接輒引醇醪
務積德以感人鄉黨重之以壽終

府志
舊志同

劉資生字石門南康太守廵少子大司寇劾季孫也少
處貴介不慕榮利奉庭訓惟以養志為孝弱冠衣大
布衣居杜郎村肆力南畝栽花蒔竹廉靜寡欲蕭然
自得口不臧否人物繩床竹几茗椀香爐錯落林木
間客至欣然具雞黍性尤好菊深秋滿籬落無日無
客無客不醉有陶元亮之風年逾七十以壽終子升
卿孫濬咸淳厚有文名曾孫見田恬靜有守人咸稱

其祖德云續志

梁廷援字以道性梗介尚氣節有東漢士人之風為前
明太學生聲震文社尤工于詩 國朝鼎定隱居邑
南伏村茅舍竹籬嘯詔自適絕跡城市晏如也泗上
閻古古睥睨一世無當意者凡三至鄆皆主于其家
嘗有題伏村別墅詩云知己天涯原自少河南獨有
四松堂其推許如此四松堂者以道所居之處也以
隱遯終其身學者稱為伏村先生著有四松堂集

上五人本舊志皆正統天順成化間各輸粟一千
 餘石賑濟有司奏蒙旌表
 韓大慶號北泉敦義樂施嘗佐邑令陳登雲請改鄆陵
 錢糧為條鞭鄆民稱便壽九十七子自重舊志
 曹守潤字鏡山性好義敦本睦族凡諸姍親俱權其親

義行

明

李

畢

達

韓俊

孫旭

石地原

上五人本舊志皆正統天順成化間各輸粟一千

餘石賑濟有司奏蒙旌表

韓大慶號北泉敦義樂施嘗佐邑令陳登雲請改鄆陵

錢糧為條鞭鄆民稱便壽九十七子自重舊志

曹守潤字鏡山性好義敦本睦族凡諸姍親俱權其親

疎分別相濟遇鄉黨亦時周恤設家塾以訓子姪多
 所成就懷宗時流寇猖獗鄆城土郭難守守潤與大
 司馬梁廷棟倡義易土為磚捐已貲獨修南城一面
 值兵荒餓殍遍野復出粟米綿衣以拯救戊寅庚辰
 復設粥廠二十餘處三載歲費數千金活人無算寇
 氛後多殘骸令人收葬之辛己以疾終子漢節漢廉
 避難滇中寇入鄆至其空居猶相誠曰此善人宅也
 雖無人慎勿壞鄉里至今猶傳其懿行者

續志

國朝

張九疇業農性謹厚能教子子四共爨食指二十餘室
 無詬誶聲所耕薄田二頃九疇素儉久之積粟百石
 乾隆四年水災盡出所積周隣里一時存活者二百
 餘人有司旌獎并列其名于彰善坊

續志

謝法五世同居敦行孝友家庭雍睦無間乾隆五年知

府朱繡嘉其義旌之

續志

韓公琛字石華拔貢生進士法愈子平生仗義施捨不
 倦兵燹之餘鄆尉接壤數十里無人居嚴寒酷暑行
 道維艱爰具呈前令愿捨已田三百畝于郛村舖廟

中延僧施茶湯以便行旅前令亟獎成之

韓士元採訪

梁起漢字涵皐侍御熙之曾孫也性慷慨與人不設城

府樂賙人急每遇親友喪葬事有求則盡力助之無

吝意雍正十三年總督王設體廣兩堂勸捐義田起

漢首捐百餘畝制臺旌以匾額曰仁昭閭里

宋天召家貧傭工小窰鎮鎮西有橋名沙古大道也召

刈草得皮搭視之白銀三百兩守候至日夕一人奔

馳而來張惶四望若不欲生召詢之乃失銀者遂還

之其人分半以謝召曰我若貪初拾時卽去矣何讓

爲其人再拜而去

李進字先登性樸誠于街衢拾白銀八兩密爲封識後

知城南封姓者訪還之

韓湛字燕斯邑諸生通岐黃多活人遇貧故無子者爲

具棺殮鄉人甚德之乾隆六年雅撫軍給匾旌之載

其事於彰善錄

以上劉燕祥採訪

石鵬舉邑諸生素行端方爲鄉里所推重其孫孔曜偶

于道旁拾遺金二十兩歸告鵬舉鵬舉遂書片紙曰

拾金者石家莊某某也粘于城之東門遺金者聞至

其家以數告鵬舉盡還之有司旌其門

王芸心採訪

楊豎德字澤遠幼時其父為聘于胡胡女目瞽厥父欲

辭婚豎德自家塾歸聞之艷然曰聘時固無恙今忽

至是復何言堅不許未幾女目復明嘗拾遺金詢其

人還之值歲荒鄉人多以田售之遠出者積五頃及

歸里謀復業乃向豎德佃田數畝為餬口計豎德慨

然曰此若輩衣食資數畝奚濟取原券悉燬之盡還

其地鄉黨咸稱其義

續志

劉元章在途拾銀五兩餘還失主後復拾錢文聞為某

遺又送還之

步瀛洲字盛遊庠生幼失恃從父讀書于外遺產留養

其再從叔及父卒歸葬始知產為從叔賣盡乃舌耕

為業無怨言從叔無子仍養其終身族人哀其窮欲

以田二十畝與之堅不受年七十九卒

左其慎採訪

陳矩邑民貧甚拾遺柴于張橋東南路得一布包約銀

五十兩以柴覆之默坐其處未幾有油匠程亮張惶

來矩詢而還之復于沙灘村戲場拾銀十餘兩並糧

薄頃有號呼欲死者乃催糧里長也即還所拾兩次

還金亦異事也

彭應兆採訪

石國祥孝事父母生養死葬皆盡禮生平好行施棺周粟之事鄉里稱為石善人所居黃家莊舊有文廟年遠將圯祥曰琳宮梵刹尚皆修葺况供奉至聖之所乎遂于乾隆元年獨力鳩工修整自正殿兩廡以迄戟門垣墉煥然一新所費約百金有奇六年三月本處清流河蓮花池堤埝冲决二十餘步幾為麥苗害國祥不謀于眾立即捐貲僱夫搶堵一晝夜鄉人議報官彰其功國祥止之曰吾為保護計耳非要名也

今事已安何必爾人益服其高

葛從眾為人樸實遇親鄰有婚喪貧不能舉者靡不竭力資助乾隆四年大水村鄰屋宇盡圯從眾捐已地

五畝廣蓋草房全村安堵

以上中州彰善錄

常煥明字光復康熙初河北荒饑民至門者多周之時久力竭僅餘麻餅千餘曰此亦可以療饑者悉散給之晚舉鄉飲子士斌能繼其志亦以好義稱

于文運採訪

陳佑字君申考授州同其父灝以九十三歲卒佑有父風好施與制臺王公治豫令州縣設體廣二堂以濟

貧民佑慨然捐穀三百石輸地二十畝有司旌其門

周克益夙好施濟乾隆四年秋大水禾稼湮沒克益捐

糧一百二十石賑濟鄉人公舉邑令旌之

王芸心採訪

于之漸字晉伯號述菴弱冠食餼立身孝友親族待以

舉火者八九家遇荒歲散給籽種計一百九十戶前

令姜詳請撫憲獎之以壽終子師渠

楊載清賦性敦厚遇歲饑捐米三十石以濟貧乏又兩

次施設麵所于家按口計給者二月戚里有婚喪不

能者周之以壽終

以上常永佑採訪

董生桂字越林乾隆四年大雨數旬村中廬舍半壞桂

急出所有修補里人公舉其事邑令旌之

常思誠採訪

常思訥字靜齋國學生喜卹人之難鄰里鄉黨以艱告

者酌濟之乾隆十八九年歲屢歉穀價騰貴訥出其

粟減價以糶公舉于官旌曰善士

同上

康繩武邑諸生行事端正善以禮義化導鄉里遇有爭

鬪者必委曲勸解或解已貲以和好之年八十二卒

蔣如英以耕種起家產業漸長遇歲荒鄰里親族有不

給者計口授糧多所保全

以上康繡採訪

曹珪字貢九武生于市拾銀二十兩遇失主還之

曹光參字寧一貢生多急人之難及年老取諸券謂家

人曰予老矣恐存此為他人累悉焚之以上陳東銘採訪

龔釋疑字學之監生好施與嘗合藥以濟人有貧不能

殮者與之棺木歲侵出粟五千餘石減價出糶鄉里

多德之常永佑採訪

耆壽

明

解昇 鄭玘 張緒 陳友

孫錠 劉宣 陳進 牛廷

解瓚 陳永清 梁彥聰 曹祥

鄭富見藝術 曹經 張珉 張班

班玠 朱俊 張政 賈世傑

胡鉞 劉玘 曹叩 曹守

以上本舊志皆耆年應詔冠帶者

鄭臣號南菴篤行君子也壽一百三歲巡按御史陳登雲表其門曰人瑞

舊志

國朝

張浩字大行邑庠生端方和易壽八十二康熙四十二年邑令李而侗舉為鄉飲大賓

樊國瑛字魁宇生平寡言笑少交遊誠信不欺邑令李而侗舉為鄉飲賓壽八十八子興昌

韓光煥字炳元善事父母友于兄弟康熙四十二年公舉鄉耆邑令李而侗旌其門壽九十

李孟成康熙年間邑令裴憲度舉為鄉飲壽八十五

王沛字爾公庠生醇令鶴年曾孫幼失恃事繼母孝兄乏嗣潛為買妾勸之納舉三男壽八十六

胡慎字愿夫庠生進士毓英子克遵家訓友愛昆仲閭里推為長者子舜嗣有文名壽八十三

陳珣字又韓庠生

丁瓚字公玉庠生

韓維寧字堯夫瓊山令程愈子天性醇厚篤學嗜古手錄先人遺書萬餘言皆有關名教者至老手不釋書壽八十三

梁燦字公亮居鄉樸實和易近人親族成避之

王坐祥字福之持躬端方析爨時曾讓其產于兄處鄉

里和悅無間壽八十八

王永順一生和平與物無忤壽八十七

王沛以下八人俱乾隆元年以壽蒙

恩詔給八品頂帶號清白老人

潘祥性慈讓善持家總服共爨庭無間言家有二猫一

生五子一生四子自移一處共乳之九子皆成又斁

生子五日斁死遺七子時有大乳子已成代乳斁子

其和氣感及異類如此壽百有三歲歿時子三孫十

三曾孫九玄孫二冢孫之炳入邑庠

郭性字宇若九十五歲詣闕祝

萬壽恩賜黃緞壹端壽九十八

程時中字孔文鶴六世孫忠厚儉樸與世無爭為鄉里

重壽八十二

劉心田 黃三志 張 鼎 蘇 正

張子玉 韓侯錫 陳 利 于正龍

于得水 林士元 史永懷 鄭 鉅

以上皆耆年壽八十以上者

以上續志

孟宗孔年九十六卒繼子兆祥曾割股以療其病人傳

以為難常永佑採訪

王興源字浩然邑諸生年八十一父歿歸葬日必往墓

手築之旋輒拜哭者三年及後事無大小必跪稟于

墓而後行奉母孝母病為嘗糞弟病暑痰壅不能卧

源以身靠背者十餘晝夜人呼為孝友先生按興源宜入孝

友門緣其現在與凡例不合而鄉人稱之者眾故附載于此俟異日論定焉

孟學文年八十一嘗兩拾遺金還之以上陳東銘採訪

藝術

星相醫卜書畫藝也而可進于道觸類而長之其

名亦可藉之而傳舊志所列數人予仍其舊所謂

雖小道必有可觀者志藝術

明

李本字太初永樂中以善楷書薦辟授福建道御史

鄭富字景豐少攻岐黃業精于診視迎者無虛日子詔

評亦皆以醫著名

劉訥字思善號易菴大司寇璟季子少聰敏無書不閱

尤精醫卜筮法旁通繪事性剛直雖面斥人過人罔不服子遠

見省志 舊志列材藝

陳美字宗善自少工畫與蘭陽張世祿同時知名天趣過之

劉述字平臯大司寇璟孫以蔭仕通政司經歷善楷書尤工篆隸得奏漢法度遠近求書者造請相接述亦亦樂為之應嘗校刻李西涯篆體偏旁考辨精覈自是字學益精卒于家陳斐誌其墓

陳西坡忘其名工于畫氣韻清疎有士夫風致大中丞

陳斐嘗賦詩贈之 以上皆舊志

國朝

王子相字公俊嘗讀書村中夜有少女叩門子相正辭拒之貧不得志乃究心痘疹立志濟人每當痘疹盛行不辭風雨四十年待子相以生者甚眾仍清貧自守並不分毫取人年八十餘卒

左其慎採訪



其地不...
 計不...
 王于...
 則...

流寓

鄆邑編小無名賢棲止然臺以德星著坊以解元
 稱其流風餘韻猶有存者若唐睢之仕安陵此又
 戰國時表表聞人前志逸而不錄前志之闕也悉
 彙著之志流寓

戰國

唐睢

原作且

魏人秦王使人謂安陵君曰寡人欲以五百

里之地易安陵安陵君其許寡人安陵君曰大王加
 惠以大易小甚善雖然受地于先王願終守之弗敢



易秦王不說安陵君因使唐雎使于秦秦王謂唐雎曰寡人以五百里之地易安陵安陵君不聽寡人何也且秦滅韓亡魏而君以五十里之地存者以君爲長者故不錯意也今吾以十倍之地請廣于君而君逆寡人者輕寡人與唐雎對曰否非若是也安陵君受地于先王而守之雖千里不敢易也豈直五百里哉秦王怫然怒謂唐雎曰公亦嘗聞天子之怒乎唐雎對曰臣未嘗聞也秦王曰天子之怒伏屍百萬流血千里唐雎曰大王嘗聞布衣之怒乎秦王曰布衣

之怒亦免冠徒跣以頭搶地耳唐雎曰此庸夫之怒也非士之怒也夫專諸之刺王僚也慧星襲月聶政之刺韓傀也白虹貫日要離之刺慶忌也倉鷹擊于殿上此三子皆布衣之士也懷怒未發休祲降于天與臣而將四矣若士必怒伏屍二人流血五步天下縞素今日是也挺劍而起秦王色撓長跪而謝之曰先生坐何至于此寡人諭矣夫韓魏滅亡而安陵以五十里之地存者徒以有先生也

戰國策

按唐雎說秦出兵事在周赧王四十九年魏安釐王十一年至秦滅韓亡魏是始皇二十二年已相

去四十二年當時年已九十餘則至安陵君時尚
 能挺劍而起使秦王長跪而謝乎前志合作一人
 未免失考且唐睢之名見于國策者不一秦策應
 侯遣唐睢載金之武安散天下士一唐睢也楚策
 唐睢見春申君又一唐睢也新序秦攻魏司馬唐
 睢見段干木云云當文侯時又一唐睢也但諸君
 鄉里曰晉曰秦曰魏皆無明文惟為安陵君使此
 則可據耳觀安陵君為縮高之言與此使蓋真能
 守封土善知人者故載于流
 寓之首不特為唐睢傳也

漢

陳實字仲弓潁川許人也出於單微自為兒童雖在戲
 弄為等類所歸少作縣吏嘗給事廝役後為都亭刺
 佐而有志好學坐立誦讀縣令鄧邵試與語奇之聽

受業太學後令復召為吏乃避隱陽城山中時有殺
 人者同縣揚吏以疑實縣遂逮繫考掠無實而後得
 出及為督郵乃密託許令禮召揚吏遠近聞者咸歎
 服之家貧復為郡西門亭長尋轉功曹時中常侍侯
 覽託太守高倫用吏倫教署為文學掾實知非其人
 懷檄請見言曰此人不宜用而侯常侍不可違實乞
 從外署不足以塵明德倫從之于是鄉論怪其非舉
 實終無所言倫後被徵為尚書郡中士大夫送至輪
 氏傳舍倫謂眾人言曰吾前為侯常侍用吏陳君密

持教還而于外白署比聞議者以此少之此咎由故
人畏憚強禦陳君可謂善則稱君過則稱己者也實
固自引愆聞者方歎息由是天下服其德司空黃瓊
辟選理劇補聞喜長旬月以期喪去官復再遷除太
邱長修德清靜百姓以安鄰縣人戶歸附者實輒訓
導譬解發遣各令還本司官行部吏慮有訟者白欲
禁之實曰訟以求直禁之理將何申其勿有所拘司
官聞而歎息曰陳君所言若是豈有怨于人乎亦竟
無訟者以沛相賦歛違法乃解印綬去吏人追思之

及後逮捕黨人事亦連實餘人多逃避求免實曰吾
不就獄衆無所恃乃請囚焉遇赦得出靈帝初大將
軍竇武辟以爲掾屬時中常侍張讓權傾天下讓父
死歸葬潁川雖一郡畢至而名士無往者讓甚耻之
實乃獨弔焉及後復誅黨人讓感實故多所全宥實
在鄉閭平心率物其有爭訟輒求判正曉譬曲直退
無怨者至乃歎曰寧爲刑罰所加不爲陳君所短時
歲荒民儉有盜夜入其室止于梁上實陰見乃起自
整拂呼命子孫正色訓之曰夫人不可不自勉不善

之人未必本惡習以性成遂至于此梁上君子者是矣盜大驚自投于地稽顙歸罪實徐譬之曰視君狀貌不似惡人宜深尅己反善然此當由貧困令遺絹二疋自是一縣無復盜竊太尉楊賜司徒陳耽每拜公卿羣僚畢賀賜等常歎實大位未登愧于先之及黨禁始解大將軍何進司徒袁隗遣人敦實欲特表以不次之位實乃謝使者曰實久絕人事飾巾待終而已時三公每缺議者歸之累見徵命遂不起閉門懸車棲遲養老中平四年年八十四卒于家何進遣

使弔祭海內赴者三萬餘人制衰麻者以百數共刊

石立碑謚爲文範先生有六子紀謀最賢

後漢書列傳

陳紀字元方亦以至德稱兄弟孝養閨門靡和後進之士皆推慕其風及遭黨錮發憤著書數萬言號曰陳子黨禁解四府並命無所屈就遭父憂每哀至輒歐血絕氣雖衰服已除而積毀消瘠殆將滅性豫州刺史嘉其至行表上尚書圖象百城以厲風俗董卓入洛陽乃使就家拜五官中郎將不得已到京師遷侍中出爲平原相往謁卓時欲徙都長安乃謂紀曰三

輔平敞四面險固土地肥美號爲陸海今關東兵起恐洛陽不可久居長安猶有宮室今欲西遷何如紀曰天下有道守在四夷宜修德政以懷不附遷移至尊誠計之末者愚以公宜事委公卿專精外任其有違命則威之以武今關東兵起民不堪命若謙遠朝政率師討伐則塗炭之民庶幾可全若欲徙萬乘以自安將有累卵之危崢嶸之險也卓意甚忤而敬紀名行無所復言時議欲以爲司徒紀見禍亂方作不復辨嚴卽時之郡璽書追拜太僕又徵爲尚書令建

安初袁紹爲太尉讓于紀紀不受拜大鴻臚年七十卒于官子羣爲魏司空天下以爲公慙卿卿慙長弟湛字季方與紀齊德同行父子並著高名時號三君每宰府辟召常同時旌命羔鴈成羣當世者靡不

榮之湛早終

同上

按文範先生係許人漢書載之甚明舊志列之鄉賢蓋以德星臺在鄢故也夫史書實爲信據而臺之建立無常不若名山之艮止焉知非後之人聞風而興起者乎然許與鄢相隔甚近杖履所必及謂之流寓可也故錄漢書全傳庶與前志不全相倍且以明景仰云

明

薛瑄字德溫山西河津人父貞永樂間爲鄆陵教諭時制郡邑乏科貢之士司訓者削職貞以爲憂瑄乃隨任補弟子員永樂庚子中河南鄉試第一明年登進士授監察御史監湖廣銀場至則黜貪墨正風俗手錄性理潛心誦讀夜分方寢思有所得卽起然燭記之提調山東學校每試諸生輒親爲講貫不事檟楚人稱之曰薛夫子召爲大理少卿數以平獄忤中官王振因誣瑄出入人罪當死大臣論救免歸索居樂道造詣益深正統己巳起爲大理丞陞南京大理少

卿平反寃滯不避權貴英廟復辟召入內閣知制誥主考會試首以正學復性爲言會曹吉祥等竊弄威權引疾去家居八年四方從游者益衆卒贈禮部尚書諡文清遣官諭祭塋墓弘治間刑科給事中楊濂題請祀瑄原籍成化間禮科給事中張九功等數十人復請從祀孔廟嘉靖中禮科給事中陳棐再上疏表瑄理學請建祠豎坊于鄆從祀孔廟始著爲令所著有讀書錄河汾集行于世

省志入流寓
舊志列鄉賢

鄆陵縣志卷之十四
 人物志四 皇后 節烈
 志人物而及列女大約止節烈二類耳鄆邑揚徽
 彤管者前代無可稽惟晉書有兩皇后傳不可謂
 非門楣之光也至于 國制所褒志傳所錄與夫
 里巷所稱道者或以節孝著或以貞烈聞皆足激
 揚風化急彙書之不敢濫亦不敢遺也昔劉向作
 列女傳而首載二妃事次及于閭閻其不以貴賤
 區別明矣故並列之志列女

鄆陵縣志卷之十四

人物志四 皇后 節烈

志人物而及列女大約止節烈二類耳鄆邑揚徽
 彤管者前代無可稽惟晉書有兩皇后傳不可謂
 非門楣之光也至于 國制所褒志傳所錄與夫
 里巷所稱道者或以節孝著或以貞烈聞皆足激
 揚風化急彙書之不敢濫亦不敢遺也昔劉向作
 列女傳而首載二妃事次及于閭閻其不以貴賤
 區別明矣故並列之志列女

皇后

晉

明穆庾皇后諱文君潁川鄆陵人也父琛見外戚傳后性仁慈姿儀元帝聞之聘爲太子妃以德行見重明帝卽位立爲皇后冊曰妃庾氏昔承明命作嬪東宮虔恭中饋思媚軌則履信思順以成肅雝之道正位閨房以著協德之美朕夙懼不造玆玆在疚羣公卿士稽之往代僉以崇嫡明統載在典謨宜建長秋以奉宗廟是以追述先志不替舊命使使持節兼太

尉授皇后璽綬夫坤德尚柔婦道承姑崇粢盛之禮敦螽斯之義是以利在永貞克隆堂基母儀天下潛暢陰教鑒于六列考之篇籍禍福無門盛衰由人雖休勿休其敬之哉可不慎歟及成帝卽位尊后曰皇太后羣臣奏天子幼冲宜依漢和熹皇后故事辭讓數四不得已而臨朝攝萬幾后兄中書令亮管詔命公卿奏事稱皇太后陛下咸和元年有司奏請追贈后父及夫人母卬氏后陳讓不許三請不從及蘇峻作逆京都傾覆后見逼辱遂以憂崩時年三十二后

卽位凡六年其後帝孝思無極贈琛驃騎大將軍儀
同三司母邱氏安陸縣君從母荀氏永寧縣君何氏
建安縣君亮表陳先志讓而不受

晉書后
妃傳

廢帝孝庾皇后諱道憐潁川鄆陵人也父冰自有傳初
為東海三妃及帝卽位立為皇后太和六年崩葬于
敬平陵帝廢為海西公追貶后曰海西公夫人太元
九年海西公薨於吳又以后合葬于吳陵

同上

節烈 附賢孝

明

張氏邑民榮源妻生子袞二歲源卒張年二十三翁姑
皆老家貧甚有勸其改適者張泣曰親老子幼有他
志養育奚賴不聽紡績自給養老送終撫袞成立年
踰六十終景泰四年知縣康健上其事旌之

省志

劉氏贈尚書海女生員曹詔妻也詔入太學挈家寓京
師偶出郊遇盜被戕家人歸告劉一慟幾絕遂昇詔
至號舍親舐血以殮携幼子金扶櫬歸葬誓守節截

髮毀容不履戶闕里人欲表其節劉輒泣止之曰吾志也豈市寵邪嘉靖八年旌表省志

王氏牛萃妻

劉氏邑民鉞女

以上俱正德七年奏旌貞烈

孫氏監生牛萼妻

王氏生員鄭誥妻

以上俱知縣馮霄申請督學旌表

徐氏范湖妻

周氏生員剡古妻

上見舊志

陳氏少叅溥孫女廬江令軒尚朱次子載妻也十四歸載十五生子驥載亡以死決者數父母曰死易耳如

遺雛何盍共存之氏撫養教訓備極諸難驥弱冠補

邑庠年三十復不祿遺子裕仁甫二月陳恩勤如驥

裕仁亦補邑庠撫孤二世茹苦一生巡按旌之省志

張氏梁玉妻玉高才年十五為諸生久不得志放于酒

死遺孤範甫四齡家貧姑孀張事姑課子常獨處一

室歷節七十年九十五終府志

陳氏張大正妻正卒陳年十六伯氏為其年少家貧欲

令改適陳矢志不貳伯氏嘗恚曰家常喫飯用一根

菜從何處來陳卽誓不喫菜惟粗糲自給而已遺腹

生子萱左手提孤右手紡績卒成其志壽七十八

府志

馬氏韓賀妻賀卒子應期甫週馬年十九守節撫孤終

身勤苦不倦巡按旌其門壽七十二終應期妻楊氏

奉姑尤孝姑病楊割股肉療之愈鄉里稱一門節孝

杜氏梁可繼妻繼以名諸生早亡杜年十九盡以分產

歸夫兄獨撫二女鍼黹外未嘗預他事其所居庭草

不除窄徑才通人跡卽諸姒不數見也嘗有茶竈十

年如新其貞潔如此巡按徐一范旌之年七十一終

鄭氏常希臯妻歸常二載而孀年十九一女才八月誓

死堅守聽姑四分其產鄭仰事孀姑俯育孤女內外

肅然冰蘖之操四十年如一日有司表其門

府志

郭氏生員劉製妻幼喪母年十二童養于劉十六合登

製卒遺子三品仙四歲品儁三歲品倜僅六月強宗

悍族思假差徭以奪其產者踵相接郭含詬茹辛卒

無失墜仙儁皆補邑庠孀居四十年壽七十九終

府志

陳氏張天政妻崇正乙亥賊掠鄢夫妻同匿草間賊搜

獲政索金不得被殺陳卽奮出慟罵賊怒並殺之女

張氏王裁縫妻賊破城擄王去張誓必死子二歲公

姑慰之不聽使媵伴之乘間自縊人稱母女雙節府志

劉氏牛之錦妻年十八有姿儀寇逼欲掖之去劉厲聲

罵曰我良家婦豈從賊邪任汝磔吾賊怒殺之府志

劉氏舉人常錫盾妻錫盾為其父司徒公留滯京邸不

遑家室賊破城劉被執不屈罵賊死之撫按題旌省志

呂氏吳全綱妻夫妻年六十餘好行善流寇掠鄆拷綱

金甚慘呂願代夫死賊殺呂而仍不釋綱有賊識綱

者曰此善人也綱乃得免省志

張氏常希顥妻崇正甲申夫婦避難河北柳園賊猝至

顥急避張匿不得賊見逼之使隨張詈曰寧死河干

不願生以汚吾夫也身被數鎗而死府志

張氏祁州知州韓凌霄妻居官室如寒素夫卒以義方

訓子一女適尚書梁廷棟封夫人子光射光庭俱食

邑餼遭舅姑喪齊衰三年不見齒妾子光昇待如已

出年一百三歲邑令旌其門府志

梁氏生員韓斗霄妻少嫻內則年二十七孀四子長數

齡少僅數月氏剪髮矢志丁姑艱襄事盡禮值亂氏

保身護子始終無失年七十五終子逢吉以理學稱

孫氏生員于文彥妻彥亡翁姑老且病又遭凶年氏竭

盡心力事親撫孤始克保全壽九十三終于師渠訪補

韓氏高氏俱劉門婦必齊村人夫名失傳二氏生平周

濟困窮鄉人德之立二節婦祠至今猶存韓之子化

麟高之子四愛見碑記侯栗訪補

劉貞姐望田鎮生員國柱女許字某失姓名未嫁夫死

有媒至女聞而泣當夜密縫體上衣自縊死侯栗訪補

國朝

王氏武鄉令梁之鯤妻明同知東岱女事翁姑克孝因

已病為夫娶妾李氏生子璐寇陷鄆從夫與伯氏提

子姪避地會城遭河決夫與伯氏咸相失氏保護子

姪艱難濟岸始與鯤遇寓輝縣值伯氏病卒姪復病

氏泣血祈天姪病愈難定歸里依胞弟鳴球居父子

相繼登科氏年九十餘終李年十七歸鯤佐王勤苦

及寇至李適病鯤將移家以李為憂李曰事亟矣須

急去毋以妾為念遂以子璐付鯤嘔血數斗而卒省志

劉氏廩生梁墀妻墀歿氏年二十七家極貧氏經營紡織孝孀姑生死盡禮撫二子讀書有堂伯乏嗣遺厚產族議氏子嗣氏念胞伯炳無嗣力辭之氏貧無定居每遷隣婦輒感泣苦節六十餘年長子錫類邑庠孫發濂拔貢生皆氏教也雍正三年 旌表省志

王氏武生鄭瑞妻年二十一孀華飾不事奉姑撫子極盡心力守節五十二年雍正七年 旌表省志

劉氏梁壇妻壇歿氏年二十時祖姑與姑俱孀事之盡孝撫週歲子慈誨兼盡俾入胄學乾隆元年 旌表

姜氏張子旺妻旺歿氏年二十四舅姑老子方兩月氏事親撫孤守節四十五年雍正十一年 旌表省志

步氏于祚永妻永歿氏年二十六時僅舅存氏代夫奉舅撫二孤成立守志六十餘年乾隆元年 旌表省志

靳氏王錫妻錫歿氏年二十四舅姑皆歿祖父母尚存氏矢志靡他養生送死無憾艱辛撫子守節五十九年乾隆元年 旌表省志

姚氏王二酉妻酉歿氏年十九三月後產遺腹子氏奉孀姑撫幼子守節三十五年乾隆二年 旌表省志

李氏裴功臣妻年二十夫歿四月後產遺腹子法先時

舅姑皆歿專志撫孤俾入邑庠乾隆三年旌表省志

韓氏曹光彬妻彬歿氏年少事親撫孤竭盡心力守節

三十五年乾隆三年旌表省志

谷氏韓樹本妻年十九于歸僅數月本卒氏明大義善

持家姑病卧十餘載其子女皆幼氏代姑撫養恩勤

倍至立姪濟時為嗣乾隆五年旌表省志

章氏張其梓妻梓歿氏年十九矢志守節孝奉孀姑取

兄次子為夫後乾隆八年旌表省志

劉氏李相堯妻夫歿氏年二十姑孀子甫九月氏事姑

撫子孝慈兼盡守節六十二年乾隆九年旌表省志

胡氏李卓妻卓故氏年十九誓不改節事孀姑撫繼子

歷年四十有二乾隆九年旌表省志

劉氏張作相妻相歿立志奉舅姑三十餘年無間撫姪

以繼夫嗣乾隆九年旌表省志

張氏王正奇妻奇歿張年二十四司氏王正順妻順歿

司年亦二十四娣姒同心守節事親撫孤冰操並勵

邑令汪為熹表其門曰雙節乾隆九年旌表省志

李氏武生曹曰曾妻年少夫歿孝事舅姑撫孤子瑞教

養兼盡瑞入武庠娶劉氏復早卒劉年二十一子華

齡鶴齡皆幼氏與姑矢志守節李歷節三十九年乾

隆九年請旌劉亦以節終省志

靳氏生員梁休繼妻休歿氏年十九矢志守節撫養元

配所生子無異已出壽九十歲邑令許承澎旌之省志

趙氏生員劉僕妻早孀止一女誓死守節終年不出閨

門教嗣孫讀書必引古賢聖為法守節六十四年壽

八十九邑令許承澎旌其門省志

司氏張培妻培歿氏年十九堅志栢舟上奉舅姑下撫

繼子歷節四十九年邑令李而侗旌之省志

陳氏賈國泰妻泰歿氏年二十三生遺腹子龍輔時姑

歿舅老氏事舅撫孤守節四十餘年邑令旌之省志


張氏廩生蘇宗文妻文教授他鄉氏奉親尤謹舅病割

股愈之又患瘟思食冰時季春氏虔禱于天夜置水

于盆明晨冰果結進食舅病立起邑令以孝旌之省志

董氏陳之坦妻坦歿家貧親老子幼氏事雙親撫四孤

艱苦備至子曙入邑庠守節五十八載壽八十三省志



趙氏生員常顯印妻印歿無子氏年二十五立志守節

取姪鉉佑為繼歷四十三年教諭何執中旌之省志

陳氏魯氏臨兆府同知劉佑妾佑歿陳年二十七魯年

十七魯生子樵陳同心撫養俾得成立守節共六十

五年邑令孫國璽以冰心齊潔旌之省志

張氏孫氏賈氏皆拔貢生常璽印妾張生子鉉禔孫生

子鉉祺賈生子鉉祚璽印歿張年二十七孫年二十

六賈年二十四各守節撫孤孤皆入邑庠張孫並守

節五十一年賈守節五十二年邑令教諭三旌其門

劉氏邑庠常鉉禔妻壽一百一歲王氏廩生常鉉祚妻

壽九十五歲督學張並旌之續志

朱氏趙偉義妻義歿氏守節四十八年年七十六事老

姑撫繼子邑侯孫國璽旌之省志

于氏李之傑妻事舅姑稱孝相夫子稱賢傑歿氏以婦

代子以母兼父殷勤備至子恒孫三江咸入邑庠年

九十六尚康健鄉閭稱為賢孝壽母省志

孫氏常悅妻悅故氏年二十家貧無子舅姑年老氏紡

織供膳及歿營葬畢乃自縊于夫墓側省志

劉氏劉國良妻遇暴守節被勒死康熙五十七年 旌

表省志

張氏路曰成妻有惡少欲污之不允雉經死雍正十二

年 旌表省志

蔡氏國學王元士妾士故嫡令他適氏不從絕粒死省志

張氏貢生爨起莘妻氏年二十七孀舅姑年耄氏奉事

不怠子釋疑何疑皆孩提恩勤教訓何疑入冑學未

幾與妻俱亡遺子培徵方週歲賴氏成立以節終省志

魏氏程智妻智故氏年二十四生二子一女時舅姑早

歿有逼氏他適者氏以死拒之家貧紡織教子守節

七十一年壽九十四終省志

韓氏梁承統妻年二十五孀遺孤鎖三歲氏教養成立

娶賈氏生英桂英梅鎖復死賈年二十六亦誓死靡

他桂娶王氏梅娶劉氏未數年兄弟相繼歿王一子

劉一女娣姒皆年少並志一門四節聞者悲之省志

吳氏蘇宗舜妻夫歿氏年二十五家貧無子父母欲其

他適氏泣不從撫姪爲夫嗣苦節六十餘年省志

張氏趙喜宗妻年二十五寡有遺腹族人利其產逼改

嫁氏不從閨六月生子諧撫養成立守節三十餘年

楊氏張雲妻雲歿氏年二十一事親撫子至死無二值

姑病思食肉氏割股以進病愈守節四十餘年

省志

劉氏邑庠生爨大勉妻生子質未週而勉故氏撫育成

立質復早死遺三子晰疑遇隆能疑氏復恩養晰疑

例貢遇隆邑庠壽七十七守節五十三年

省志

劉氏張士驥妻夫歿氏年二十一遺子澶方二歲舅姑

俱存氏孝雙親撫孤子守節六十四年邑合旌之

省志

傅氏李恂妻恂亡氏年二十五事奉孀姑以終孝養撫

育嗣子以綿宗祧堅志守節三十年

省志

胡氏楊豎德妻舅病割股以療氏初許字德以慟母失

明辭婚德不允尋復明鄉里傳為美談

省志

王氏劉煥星妻適星一載而寡氏欲自殺旋以勸止服

闕舅姑憐而欲嫁之適氏歸寧有言不返者氏覺遂

托言回取遺物遂自縊于室

省志

于氏孫復隆妻隆歿氏年二十立志不改嫁孝雙親撫

繼子守節六十餘年

省志

葛氏生員白國瑞妻年十九瑞歿止一女舅姑令他適

氏涕泣願留生養死葬卒賴其力守節五十餘年省志

陳氏張克實妻早孀無子家貧氏立志奉老姑一日歸

寧知潛議嫁已遂奔歸抱姑哭訴欲死氏族生員張

垣知之施地二十三畝為氏養膳且為立嗣垣子擴

四承先志撫恤益周皆氏勁節動之也省志

李氏邑庠常協妻早寡念舅姑老子幼堅志守節事親

撫子子萬年入邑庠守節三十一年省志

劉氏常作極妻極故氏年二十事孀姑撫幼穉克盡孝

慈之道守節三十年省志

蘇氏常鉉祥妻祥歿氏年十九姑老子幼氏事親有道

撫子有方苦節五十年省志

王氏陳湘妻湘故氏年二十二間月生遺腹子天申甘

貧守志事孀姑以孝聞撫子成立入邑庠省志

王氏生員劉弘泰妻秉性貞潔泰歿氏立志苦守事舅

姑撫繼嗣歷節五十餘年壽八十六終省志

耿氏劉桂茂妻茂殉兄難氏年二十子永裔甫逾週稍

長永夜課讀必紡織伴之裔年十四入邑庠以壽終

吳氏王圖妻圖亡氏年十五遺腹生子澤廣以冢婦兼

子職孝事舅姑及歿盡禮守節五十餘年乾隆十四年旌表省志

黃氏王琰妻年二十五夫亡遺子廷正甫九月堅志守節時舅姑皆歿奉祖父母維謹守節四十餘年兩世

血祀賴以不墜公舉旌表省志

李氏袁法程妻年二十五程故乏嗣孝事舅姑取伯兄子彬為嗣撫育訓誨俾其成立歷四十餘年省志

陳氏袁棟妻棟亡氏年二十一舅姑皆歿獨撫遺腹子煥文成立延師肄業今復抱孫焉省志

曹氏蘇淦妻淦歿氏年二十二無子甚貧勤女工以奉

二親為夫立嗣舅姑皆八十六終守節五十餘年省志

劉氏趙光宗妻早寡舅姑老二子幼家無恒產氏專事紡織孝親撫孤姑病割股食之守節五十餘年省志

鄭氏趙光前妻前故子甫三月堅志奉舅姑姑歿舅病惡瘡氏親為奉侍終年不懈守節四十五年省志

梁氏生員梁珣妻珣歿氏年十九矢志靡他事祖母養生送死無憾為夫立嗣教養如親生壽九十終省志

賈氏生員于時妻時故氏年二十五堅志守節上事舅

姑下撫遺雛歷三十年以疾歿省志

雷氏劉作哲妻哲歿氏年十九無子女上有孀姑氏矢

志盡孝姑死悲哀成疾卒省志

張氏梁筠妻歸筠兩月筠隨父廷揚任廷揚卒筠以哭

父死訃至氏輒斷其所織布機卽自縊死省志

黨氏張茂德妻德歿氏年二十二一慟而歿人欽其節

趙氏嬰偉妻偉故氏年二十一事孀姑盡禮凡所爲必

請命而行子廷棟未週養之成立七十二歲終續志

蘇氏梁易知妻年二十一夫亡孝奉兩世孀姑撫孤子

成立守節五十三年乾隆十年 旌表省志

張氏路曰美妻乾隆十一年 旌表省志

靳氏梁鰲妻學政讓孫女幼授孝經通大義早孀孝舅

姑撫二子親授詩書長英楠食餼乾隆十六年 旌

劉氏梁純理妻年二十五夫故勤儉事翁姑及歿躬營

祭葬撫嗣子復早卒撫嗣孫乾隆十八年 旌表省志

滕氏蘇銓妻夫故矢志奉舅姑以孝撫三子皆成立乾

隆二十一年 旌表省志

何氏梁銘盤妻年二十五夫故舅姑老且病事之盡孝

為夫立嗣教之入邑庠乾隆二十二年 旌表省志

于氏梁城妻年十九夫亡守節四十一年乾隆二十一年

年 旌表省志

張氏于耨妻舉人張月峯女結褵三載耨故氏送葬畢

遂自經乾隆三十一年 旌表省志

張二姑海女拒強不辱自縊死乾隆二年 旌表省志

陳氏李松妻守正不污遇暴扎死乾隆十六年 旌表

劉全姐甫君女遇強不從自經乾隆二十三年 旌表

蘇氏郝賞兒妻不辱強暴自縊乾隆二十三年 旌表

晁氏姚光玉妻年十九夫故奉姑舅無異志為夫立嗣

蘇氏張垣妻夫故孝舅姑守節數十年 旌表省志

劉氏曹端妻夫故守節省志

祁氏趙國輔妻乾隆十六年 旌表壽一百三歲終省志

梁氏侍御熙妹北梁玉笥妻事親以孝聞寇破鄆移家

共城玉笥卒于邸其翁亦卒夫弟甫週氏剪髮矢志

亂定扶柩旋里為夫立嗣家聲賴以不墮

盧氏韓維妻維亡無子家貧為立嗣守節五十七年

翟氏邊其鳳妻家貧夫故歲荒食樹皮延生孤賴以立

李氏劉允執妻允執卒遺子幼翁姑老氏俯育盡道翁

病割股進之病頓愈現年九十四歲

以上劉燕祥採訪

張氏程繼盛妻夫故年二十二矢志守節孝奉舅姑訓

嗣子弱冠入庠孀居四十四年

鄭氏監生高廷士妻年二十三夫故甘心守義奉舅姑

盡職取姪為嗣以承宗祧

宋氏邑庠陳篤思妻夫故孝奉舅姑皆壽終立嗣子兆

鳳食廩餼守節四十八年

賀氏曹進智妻夫故矢志孝舅姑撫三歲孤未幾殤家

甚貧取辦十指間無可繼姪志斌迎養以老

王氏陳所聞妻夫故矢志孝舅姑貧無怨言以節終

步氏滕克翼妻夫故氏年二十五堅志守貞奉舅十九

年奉姑三十四年取姪承繼守節三十五年

胡氏蘇公愛妻割股療翁病姑病復禱天身代病亦愈

梁氏蘇義美妻安貧孝養姑病割股肉食之病愈子幼

則娶徐氏年十七夫故甘心守節事姑亦以孝著

王氏監生田允德妻奉姑極孝夫故撫孤矢志守貞

司氏梁廣印妻夫故立嗣與孀姑蘇同節邑令旌之

曹氏張六成妻曾祖母梁老而瞽祖母馬孀居氏奉事
各得其歡夫故矢志撫二孤泐湧成立湧食廩餼夫
異母弟壩成培成各受室早亡壩成妻馬培成妻王
曹相偕守節孝事舅兼及庶母鄉里稱爲三節
谷氏黨宗周妻夫故孝孀姑姑多病無倦色以節稱
黃氏黨宗倫妻早孀守節舅病割股以愈邑令旌之
張氏崔光仁妻夫故堅志奉翁姑撫二子曰江曰河守
節五十四年江娶陳氏河娶趙氏兄弟皆早亡娣姒
相勵撫孤趙子元紹入邑庠一門三節學使旌之

孫氏梁臣堯妻氏年二十五孀孝奉翁姑撫孤子成立
馮氏李施惠妻夫故氏年十九代夫盡孝孤子國材方
一週撫之成立守節六十二年終

張氏郭存誠妻夫死守貞奉翁姑盡禮

蘇氏王紹祖妻夫故氏年十九無子代夫盡孝以節聞
王氏汪恒毅妻夫亡守節爲夫立嗣

沈氏王澤化妻夫故孝舅姑撫子成立守節四十年

楊氏庠生李天秩妻夫故孝奉舅姑撫二子長遠娶于
氏遠死于年十九同姑矢志次子如雲入邑庠亦早

亡楊守節四十七年孫西成亦諸生

以上王芸心採訪

田氏武生扈琳妻琳少失怙恃堂叔祖雯撫養之雯妻

病田割股療之而愈雯又病復割股以進病亦愈

楊氏劉大漳妻年十九生子邦燦漳亡足不履中門二

十年公姑抱病備極艱辛及公姑卒猶蔬食終身

劉氏常相舜繼妻年二十二孀撫前妻子成立以節稱

楊氏林朝府妻年二十一寡家貧事姑撫孤卒成其志

楊氏林忻妻年十四歸忻忻素病痞卧床雖同居猶未

合衾也氏侍奉無少懈三載忻亡有勸改適者氏握

剃刀以示遂不敢言依孀母與居躬自紡織以老

張氏陳遂妻年十八適遂未週而孀公姑憐其少令改

志潛自縊家人救之不死公姑為立嗣以孝慈稱

滕氏姬國賢妻年十七歸賢未期姑故二年賢亦故家

貧無子紡織撫夫弟國才為婚娶以才子為嗣

常氏于志媚妻年二十四夫亡遺孤甫週未幾歿舅老

姑復癱氏侍湯藥不倦及卒哭之失明舅為立嗣

趙氏姬逢乙妻年十六歸乙甫三月而乙亡家甚貧無

子氏矢志甚堅紡織事親三十年如一日

胡氏楊恒福妻楊故無子女姑老無依誓無他志

吳氏李孔教妻二十歲孀孤未週孝親課子其志終成

陳氏劉絜妻早寡教子成立孝事公姑邑令旌節

殷氏錢嗣基妻夫故無嗣姑老因立嗣以孝養姑歿哭

過哀目幾瞽一夕夢姑授丹拭之而愈

以上常永
佑採訪

王氏監督常鉉禍側室生子肇渭而禍亡其翁廷尉公

抱病氏割股肉以進訓涓弱冠入庠娶姚氏未幾又

亡姚年二十四遺孤永佑同姑矢志姑病亦割股而

愈支持門戶卒賴兩孀婦王壽九十姚已八十一矣

楊氏監督常鉉禍側室年十八生子肇瀛未週而孤勤

撫訓年十六補邑庠娶李氏越四載瀛亡遺子永寧

事楊益孝寧亦遊泮楊年過九十復康健皆李力也

劉氏生員常肇洛側室年二十三孀生子定謀洛妻成

又卒遺孤永保劉撫如已出先是成母家世冑奩多

金珠成亡日劉卽請宗親驗封及保長悉原封與之

徐氏于心烺妻年十七歸烺甫一載而烺亡撫遺腹子

兆吉事公姑盡孝壽八十終

以上于師
渠採訪

常氏生員曹榮妻榮亡矢志撫孤孤又亡立嗣以節終

楊氏生員曹旨妻旨亡守節孝翁姑撫嗣子學憲旌之
劉氏金其相妻韓氏相弟其標妻相歿子振東甫二齡
翁姑皆老劉欲殉韓以奉親保孤勸又二載標亡子
觀化僅週韓慟絕劉亦勸以養親保孤遂同志事老
撫孤振東入邑庠觀化娶劉氏一載復亡無嗣取振
東子爲嗣劉亦守節各孀居四五十年

郃氏常子栢妻栢亡三月生遺腹子孝舅姑撫孤成立
錢氏曹爾欽妻欽故事親教子壽八十九歷節六十年
張氏司鳴高妻年二十四寡事親撫幼守節五十九年

宋氏孫謨妻歸未一載謨亡家貧無子孝舅姑勤紡織

六十年如一日

李氏曹文倬妻生子四載倬亡撫養成立

唐氏鄭大佑妻歸四載夫亡無出撫嗣奉親以節壽終

趙氏孫訓妻二十一孀代夫盡孝教子歷節四十年

曹氏劉永泰妻泰亡無子家貧甚紡織事親老而不倦

葛氏孫如標妻標歿子忠恕甫三齡事上撫幼以節老

姜氏宋端子婦翁病不愈姜禱神割股肉和葯病遂痊

王氏曹惠媳夫早亡守義公病割股以孝稱

以上陳東
銘採訪

陳氏康大禧妻夫故陳年二十二孝事翁姑撫幼子子
歿撫嗣子守節四十八年

田氏陳克懿妻生子孔卓而孤家事悉委夫姪終歲閉
門勤紡織卓娶張氏十九歲卓又亡撫孤姑媳並節
周氏賈逢龍妻二十歲生子楹而寡事親撫孤無遺憾
許氏陳善妻年二十善亡孝公姑撫孤子歷節六十年
趙氏監生陳恪妻恪亡趙年十九立嗣事親以節壽終
辛氏金應舉妾時舉已老辛尚少將死囑家人嫁之辛
哭不從守節四十二年及卒嫡孫振東等俱爲服喪

鄭氏賈榮妻榮亡鄭年二十三撫孤持志金石不渝
劉氏趙廣武妻夫亡無舅姑紡織撫孤今已八十歲矣
朱氏司克君妻早孀食貧撫孤三十餘年如一日
陳氏鄧文府妻公姑俱歿夫亡子幼苦節五十二年
張氏曹興紹妻年十九夫故矢志爲夫立嗣復以孝聞
彭氏趙煥妻無翁姑彭年二十四子身守志終母家
宋氏曹捷妻歸半載孀撫嗣子矢志孝親割股愈公病
劉氏趙光五妻生子月餘而孤年二十一今已七十九
裴氏梁文煥妻夫亡裴年二十無翁姑撫嗣子以節終

張氏許燦妻夫故年二十二撫孤孝翁姑壽八十七終

郝氏賈兆江妻年二十五寡紡織撫孤歷節四十六年

周氏韓踰羣妻二十歲孀夫亡撫子文光至成立以上彭應

光採訪

張氏胡永瑞妻夫故守節孝舅姑撫孤成立已五十年

李氏蘇楫妻早孀子玆序方三歲兩月生遺腹子璠公

姑老代夫盡孝玆序幼入庠而璠亦成立

龔氏張淳妻夫亡守節家貧紡織養親為夫立嗣

袁氏胥之介妻夫亡年二十一孝舅姑撫嗣子永全娶

周氏未三年全又故撫嗣孫姑媳並節

翟氏潘正學妻夫故家貧紡織奉舅姑立嗣守節

張氏王晫妻二十二歲夫死守節奉公姑撫孤成立

朱氏陳珂妻夫故孝舅姑撫嗣堅貞老而彌篤

張氏許克盈妻夫亡撫孤孝翁姑守節五十三年

蘇氏馮良妻夫歿矢志撫幼子以老守節三十二年

鄭氏馮温妻夫故守節撫孤奉舅姑以孝聞

陳氏石耀如妻年二十三夫亡孝公姑撫孤卒賴以成

馬氏監生姚賓妻夫亡矢志奉親教子守節四十六年

王氏呂兆鳳妻年二十二孀撫二孤家貧紡織奉公姑值歲饑以米奉親以豆和糠與子共食人稱其孝

韓氏田聖裔妻夫歿奉孀姑為夫立嗣守節而歿

張氏武生牛文進妻進歿為進養其父母撫嗣子三元

擢武闈守節三十六年

以上張湧採訪

嬰姑頂女也幼字張黃中未于歸中故姑聞潛製麻衣

素履請於母欲奔喪母不可遂絕粒終

王復性採訪

田氏王國輔妻夫故事姑至孝零丁孤苦卒年八十二

馬氏劉法妻夫亡遺四孤家貧事親撫子紡織守節

劉氏張允和妻家貧甚孝翁姑夫亡撫孤艱難矢志

張氏汪惟一妻夫亡撫嗣姑病割股而愈

以上左其慎採訪

王氏梁永泰妻年二十三夫故守四十年節撫其子成

陳氏鄭之常妻早孀事親撫孤嫠居四十八年

周氏張博文妻夫歿守節三十三年撫孤授室以孝稱

蘇氏生員張異撰妻夫死事老撫孤垂白無間

劉氏崔大典妻夫亡守節五十年無出撫嗣成人兼能

孝養

以上程條章採訪

劉氏田振先妻夫瘖聾劉伺飲食不懈及卒立嗣守節

張氏王德潤妻夫故乏嗣家人將嫁之氏憤欲刎得救止以姪嗣劉氏潤弟德魁妻亦早孀姊姒相依矢志孟氏鄭自立妻夫亡撫遺腹三十餘年無怨言

曹氏常時夏妻十九歸常生子週而孤成家守節

尋氏王都仁妻夫死子未彌月事親撫孤無少憾

馬氏王顥妻孝事公姑姑病割股以愈邑令旌之

杜氏王滂妻年十九夫卒止一女爲夫立嗣學院表節

杜氏王書升妻夫故撫女獨守兼撫嗣子學院旌之

李氏趙文彩妻夫歿無子撫姪善事公姑無愧節孝

趙氏李方欣妻姑病割股及姑卒十餘年猶號泣

康氏趙繼成妻姑病割股以愈

李氏劉大中妻年十六于歸未半載寡乏嗣氏泣謂姑

曰伯止一子焉可繼但願終身倚之而已竟以節完

翟氏杜應瑞妻夫故翁姑老能成其意撫孤成人

趙氏陳文錦妻年二十夫亡無嗣姑歿遺其子未期月

氏撫養之辛勤備至翁病癱扶持不懈

曹氏袁琬妻夫故赤貧勤機杼以奉甘旨復立嗣

韓氏劉成德妻早寡子未週氏奉親撫孤邑令表之

韓氏馮模妻十八歲夫亡奉老姑撫幼子孝慈兼盡
曹氏劉書紳妻夫亡公邁且病姑又瞽氏奉公姑各以
壽終撫子九成亦成立

馬氏杜懷璟妻夫故以婦代子以母兼父稱完節
崔氏陳國瑞妻夫歿無翁姑子女孳孳獨守以侄嗣
李氏監生陳法乾妻夫故親老子幼仰事俯育以節聞
趙氏陳法榮妻夫故老幼無依氏一身荷之裕如也
荆氏常便妻年二十一寡遺二子家貧奉老備茹辛荼
郭氏生員常扶揮妾揮妻宋多病揮母王年邁揮故誓

志不二事王宋不懈撫宋諸子皆長成

蘇氏常扶旭妻二十二夫亡子未期姑已邁孝慈並至
朱氏王克功妻夫歿公姑老子幼上事下撫終身苦節
董氏武世傳妻夫故無子取侄奉夫祀守節三十八年
陳氏武玉妻夫亡遭連喪止老翁誓以死守食貧立嗣
杜氏孫爾旺妻夫故爲立嗣公姑老家貧紡織以養
馬氏常書妻夫歿無嗣氏痛親老守節奉事邑令旌之
陳氏王含妻夫死內外無依撫孤成人守節六十二年
李氏張玉瑞妻夫亡乏嗣公邁姑瞽一叔亦幼氏辛勤

不厭婚姻喪葬一身任之乃至有成

常氏于元華妻家赤貧姑病篤割股以愈

以上常思
誌採訪

尋氏王國章妻章歿子甫一月事老撫幼苦志不怠

王氏雷忠理妻理亡乏嗣守節事舅姑及卒親營廬墓

李氏王培素妻二十夫故五月生遺腹事老撫孤無憾

張氏王中道妻夫死無出夫弟幼同姑撫養終其身

常氏田伸妻夫故子四歲孝姑撫幼四十四年稱全節

胡氏胥楨妻二十二生子未週夫亡守節並事公姑

馬氏胥柄妻夫歿子甫七月甘貧奉舅姑教子入庠

馬氏趙福貴妻二十歲孀辛勤自食祖姑瞽奉事無間

劉氏呂法堯妻夫亡止祖父母氏克盡養保孤有成

劉氏徐明魁妻夫歿撫孤舅病割股而愈守節五十年

殷氏田緒祖妻早寡姑病割股以奉病遂愈

以上劉思
敬採訪

晁氏楊眉山妻夫故孝雙親撫孤子子死復撫嗣

梁氏姚珮妻夫歿代夫盡孝以侄嗣恩勤撫字如已出

馬氏姚瑄妻夫亡無子矢志撫嗣盡孝養終其身

陳氏生員楊洛書妻公姑故夫亦繼歿撫二子以節全

趙氏張廷對妻夫死痛夫非命矢志鳴冤撫孤獨守

常氏張德照妻年十九夫亡孝公姑立嗣堅志

王氏張璉妻璉故奉璉父母撫嗣子至老乃卒

黨氏張全妻夫歿矢志奉公姑守節三十三年

楊氏路天棟妻年十九孀孝親撫嗣以節著

以上張嗣緒採訪

吳氏庠生劉玉玘妻夫故矢志奉姑撫孤以節旌

宋氏劉廷相妻早寡矢志奉公姑以侄嗣

牛氏駱成鳳妻年二十孀撫嗣奉舅姑四十年不懈

徐氏楊國治妻夫故家貧紡織奉祖姑及姑孤亦長成

梁氏王琰妻琰卒奉舅姑教子守節五十年有司旌

裴氏劉廷勤妻年十九孀撫嗣奉公姑姑瞽事之益謹

袁氏劉伯謙妻夫死守節孝舅姑撫孤衍嗣

閻氏司其素妻早寡食貧事舅姑以侄嗣忘其苦辛

馬氏陳兆基妻夫故撫遺腹子功元奉舅姑盡孝

范氏李鳳鳴妻鳴亡守節奉祖姑與姑盡孝撫子克奇

克嶷嶷亦早亡嶷妻張氏守節無子以侄九如嗣娶

邵氏九如二十歲又亡邵撫幼子復守節

陳氏李克良妻夫故年二十三奉姑撫孤始終無二

段氏喬廷選妻早寡事上撫下守節五十年學院旌之

盧氏陳兆珩妻年二十孀孝公姑撫子娶妻死復撫孫
潘氏牛錫珍妻珍亡堅節保孤孝舅姑守節五十六年
趙氏牛士俊妻年十九夫歿矢志立嗣守節至死

司氏婁榮妻夫故子幼氏年二十一奉公姑各數十年

劉氏蘇瑞鳳妻鳳亡矢志撫嗣舅姑咸稱其孝

汪氏王敬棐妻夫故矢志孝奉舅姑撫孤成家

張氏庠生牛瑄妻瑄亡紡織奉翁姑撫子印入邑庠

劉氏庠生金其量妻夫故年二十奉姑立嗣以節表門

曹氏卜法文妻夫故守節奉舅姑撫三歲孤廷冀有成

馬氏王復性妻夫歿孝舅姑撫孤又殤復立嗣學院旌

劉氏陳弟妻夫亡守節奉姑撫幼子成立

以上陳兆鳳採訪

蘇氏常思九妻年十九孀撫侄奉祀授室復亡撫幼孫

岳氏王昌妻夫亡家貧紡織撫孤壽八十六冰操凜然


常氏鄭福桂妻年十六適鄭未三年孀僅一子及壯復

亡氏奉公姑益以孝著

吳氏梁旂妻夫亡事親撫幼孀居五十年文宗旌之

李氏劉名立妻年二十三夫亡事翁姑益孝始終如一

陳氏庠生靳成玉妻夫歿事老親撫襁褓有賢聲其子



承先娶曹氏承先死同姑守節

胡氏監生岳宗寬妻寬亡撫嗣侄守志事公姑無異言

曹氏岳宗振妻振亡無子翁姑欲令他適氏堅志不從

後為立嗣以上于文
運採訪

張氏韓璉妻二十二歲夫死六十一歲終

趙氏李志道妻二十五歲夫死卒年七十五

馬氏姚克正妻二十四歲夫死七十五歲終

韓氏顧爾相妻二十七歲夫死現年六十一歲

曹氏晉乘輿妻二十二歲夫故七十二歲終

蘇氏韓履安妻二十二歲夫死現年七十二歲

張氏韓乘時妻二十五歲夫死五十四歲終

蘇氏汪玉樞妻二十八歲夫死現年七十一歲

李氏張法孟妻十九歲夫死現年八十一歲

韓氏晉永洗妻二十六歲夫死七十二歲終

劉氏晉建極妻二十八歲夫死七十六歲終

陳氏晉世棋妻二十二歲夫死現年七十七歲

梁氏廩生韓適妻夫卒時公姑方逝子女俱無煢煢一

身栢舟自矢以族侄為嗣守節六十年

朱氏韓滢妻年十七于歸不數月而滢卒撫姪爲子苦

節四十四年

以上韓士元採訪

杜氏郟維賢妻賢故無子又鮮兄弟苦節自勵立同宗自貞爲嗣授室又死生遺腹媳復卒撫孫以老

王氏康遼妻年二十二遼故無子女矢志不嫁節終

柴氏康瑞妻生一子甫週瑞亡紡織撫孤壽八十四終

陳氏劉儼妻夫故無子女以侄嗣邑侯旌之

劉氏廩生劉儉妻儉故僅一女撫養守節

以上康法才採訪

晉氏生員谷震生妻震生以哭母哀毀死子洵幼氏代

爲課讀年少列諸生訓誡甚嚴守節四十四年終

谷氏韓彩妻彩歿翁姑老且病守節事親撫子成立

林氏范又質妻二十一質殞全節保孤翁姑稱孝

朱氏李輝妻輝故撫三歲孤孝奉孀姑學師表之

徐氏王澤保妻十九歲夫故家貧撫嗣兼盡孝養

閻氏李文義妻早寡甘貧勵志孝翁姑撫子成節

崔氏梁發沂妻年十九孀誓志守貞翁姑爲立嗣以孝

聞嗣子楸林邑諸生

丁氏梁鑄妻夫故家貧紡織事孀姑兼撫幼子年七十

餘終以上梁英楠採訪

劉氏趙錫印妻子方週印亡事姑撫子守節五十二年

袁氏梁堪妻堪故無子女立誓守節奉姑如初

閻氏劉琰妻琰亡撫六月孤紡織營生孀居五十六年

石氏楊世才妻無子夫弟僅十歲氏孝公姑以待嗣

孫氏趙紳妻紳亡子幼姑老有以改適勸者孫不從益

堅其節以上梁渠採訪

袁氏黃昭妻夫故年二十撫遺腹成立又死撫孤孫

王氏劉茲妻年二十一夫亡子身撫遺腹食貧安之

周氏郭倫妻姑歿舅病刲股以愈

王氏王明妻二十一歲夫亡孝舅姑撫二歲孤終其志

孫氏王勉妻夫歿撫二幼孤雖耄尚事紡績焉

孫氏王六妻孫年十九夫亡奉舅姑撫嗣子終稱節壽

馮氏周偕妻早寡保二歲孤孝公姑能成其意

周氏朱紹典妻夫故奉舅姑以孝撫孤矢志

張氏翟焜妻夫亡撫孤守節奉姑婺居五十年

裴氏楊明經妻夫故奉舅姑獨守撫孤成人

柴氏閻國玉妻夫死孝公姑撫子授室又死撫孤孫

孫氏胡美妻二十一歲夫亡無出以姪嗣奉舅姑盡孝
侯氏魯志道妻年十九寡舅姑歿孝祖翁終成其節
胡氏閻大學妻年二十二夫亡孝舅姑撫孤而老
楊氏胡天畧妻夫亡撫孤姑性嚴事之無怨言
龍氏張杏妻夫歿矢志孝姑撫子成家以節著
王氏劉文翰妻早寡爲夫立嗣奉姑亦孝
南氏楊士光妻夫故孝親慈幼守節五十四年
郝氏劉恒妻恒亡守節取姪爲嗣奉舅舅稱其孝
郭氏楊琳妻夫故郭年十七孤未滿月撫之已有孫矣

石氏王愛民妻十九歲孀撫彌月孤卒年八十二
蘇氏徐智妻夫故舅姑俱歿紡織撫孤獨居六十年
孫氏王思問妻夫故守節奉舅撫孤成志
馮氏耿韶妻夫歿氏年二十三教孤奉其舅以老
王氏耿世綱妻夫故立嗣孝奉孀姑三十四年
王氏劉文科妻二十二歲孀家貧姑瞽撫遺腹盡孝養
宋氏王輔妻年二十二寡孝奉其舅撫一歲孤成立
王氏劉元行妻夫故家赤貧子身煢煢紡織撫孤老焉
陳氏邢源泉妻夫亡奉公姑撫孤至今有成

白氏劉中沔妻十九歲夫死事上撫下守節五十八年
王氏劉中信妻夫亡氏年十九奉孀姑撫週歲孤成立
宋氏路貞妻夫故氏年二十奉公姑三十餘年以侄嗣
馮氏劉愉妻夫故氏年二十二祖姑侍養撫姪承祧
郭氏馬顯相妻十九歲孀孝祖姑及舅姑撫遺腹全節
劉氏韓繼禹妻夫故奉姑以孝撫孤梅及長娶郭氏未
幾梅死郭年二十二遺一子姑媳各守節四十餘年
趙氏李仲冊妻年二十一孀孝親撫孤全貞五十一年
李氏徐擗妻夫亡撫遺腹子天福守其志節

白氏王福妻夫歿矢志孝親撫孤守節五十五年

劉氏楊天命妻年二十一孀撫一歲孤今四十五歲矣

楊氏劉九功妻孝親撫孤孀居四十一年

陳氏周福妻夫死矢志撫三歲孤完夫志事親亦孝

李氏劉九龍妻夫歿翁姑老事之終身撫孤辛勤備至

宋氏陳子全妻夫亡年二十二矢志奉親立嗣以老

鄭氏劉需妻夫死孝孀姑撫二歲孤成完節

郭氏劉公美妻年十九夫故孝公姑撫三歲嗣子成立

晁氏劉長路妻年十九寡奉舅姑撫遺腹又卒復立嗣

胡氏李元祥妻年二十四夫亡撫孤成志守節五十年

王氏王相雨妻夫故教子孝舅姑守節四十九年

吳氏田三存妻夫歿奉公姑撫孤娶妻復卒撫幼孫

袁氏張耀妻夫亡守節有司旌之

解氏牛愷妻夫故子方二齡撫之成人事翁姑盡孝

南氏胡佩舉妻夫故奉舅姑立嗣以承宗祧以上侯栗採訪

張氏劉珍妻生子未週而珍故事親撫孤生死無間

王氏宋君敬妻夫故孝舅姑撫子協食貧安之

李氏陳思定妻夫亡矢志撫遺腹子艾兼以孝聞

韓氏晁新武妻夫故奉舅姑孝姑病六月晝夜不離乾

隆三十七年 旌表

瞿氏李素秀妻秀故孝公姑撫幼子守節三十四年

陳氏康賜祿妻夫卒事舅姑得其歡心撫幼子鏡方以

文行著乾隆三十一年 旌表

侯女字嬰睿童養睿家翁瞽姑復癱女年十五未笄睿

死于火翁姑諷改適泣不允厥父受秦姓聘女亦不

從秦白陳令女泣訴曰如他適瞽翁病姑俱死矣願

先死令為成其志旌以匾未幾翁姑死家赤貧無可

依乃與族議繼族不許訟之官久不決予適來憐女節孝為立嗣捐俸錢十千給嗣子仍按月給錢以養趙氏李世侗妻二十四歲夫亡無子女食貧養夫之父母撫嗣復殤今依其姪苦節四十餘年

朱氏樊紳甫妻夫故撫四子孝舅姑生養死葬無憾

蕭氏廩生蘇循繼妻循故氏年二十一翁姑在堂子女在抱撫前妻子帝斌教訓入庠壽八十三

陳氏林中選妻夫故氏年十九事親撫孤兩成其志

閻氏林永和妻夫故氏年十九無子女家甚貧紡績事

舅姑苦節已三十四年

姚氏李思溫妻早孀孝養翁姑勵志守節

梁英楠採訪

朱氏董詩妻年十九育一子而夫故姑已歿翁年邁氏奉上撫下卒不負詩邑令旌之以壽終

劉氏董超妻年二十于歸甫一歲超歿乏嗣氏念翁姑無依誓不嫁取姪奉祀

孫氏常士妻歸常一載夫故無嗣守節養翁姑不忍遽死十餘年翁姑歿營塋祖塋旋家遂自縊鄉人咸嘆為從容就義云

劉氏金纘祖妻夫故遺孤四歲翁姑俱邁家且貧紡織
終身以成其志以上常思
誌採訪

牛氏楊士教妻生一子數月士教亡氏年二十苦志守

節六十八年彭應兆
採訪

劉氏監生爨釋疑妻事孀姑最謹姑卽加苛責必愉色

承認不稍辯釋疑故氏奉姑益力以節終常永佑
採訪

趙氏陳有玉妻夫故姑老守節盡孝撫孤成家

楊氏陳起恭妻夫故子幼又生遺腹氏守節撫養晝夜

勤勞不少息

王氏陳繼義妻夫故守節奉上撫下竟成完節

牛女雷家村人年方笄夫家擇吉成婚屆期夫亡媒氏

至家告之女聞卽自縊媒氏驚避有司旌之常思誌
採訪

李富姐輔女輔與里人宋琰爭詈辱及輔妻女富姐聞

之卽忿激自縊有司旌其貞烈

周丟兒妻李氏遇鄰人出語褻狎當卽投環死

許氏王璋妻奉姑孝姑病割股鄉里公舉給獎

張氏姬元德妻夫故撫孤顯宗成立娶李氏顯宗復故

李年十九姑媳相勵守節

張氏劉杜妾杜故其嫡蘇憐其年少令他適張矢志不從守節終身鄉人公舉有司旌之

王氏于順龍妻早孀事親撫孤以壽終邑合旌

張氏吳呈祥妻年十八夫死無子女孝公姑以苦節終李氏郭秀妻早寡親老子幼矢志守節孝慈無間

胡氏監生岳光祖妻十六歲于歸甫一載夫歿撫嗣守節鄉里公舉給匾旌其門

牛氏沈湊妻姑病割股公舉旌之

陳氏李好友妻夫故子甫八月氏撫之成立以孝稱

陳氏許文升妻夫故氏年十九家貧子幼紡織不懈甘心饑寒以養公姑八十餘歲終有司旌

孫氏監生韓天申妾申故無子其母尚在令孫改適不從撫幼女以養姑姑感其孝爲具呈有司允其請

黃氏黨中和媳早孀中和病氏割股療之病愈中和呈請前令陳世明給米二石棉十觔有布三疋以獎之劉氏曹鳴岐妻東隣高某出語穢褻羞忿自縊死

孫氏王麥妻拒姦不從被扎死

王姑澤遠女幼字人父因人言有異志女聞潛自縊鄉

里知者無不憐其心而重其貞焉公舉入志

[Faint bleed-through text from the reverse side of the page, including characters like '里知者無不憐其心而重其貞焉公舉入志']

鄆陵縣志卷之十五

藝文志一制 奏疏 表

志之有藝文非若操觚家之可以隨意去取也要
必與全志相為表裏而互見觀蘇頌之制尹宙吳
仲山之碑則人之逸可存觀蘇軾之詩洪适之跋
則職官之缺可補觀化俗之疏讓爵之表則史事
可徵觀與郗鑒之牋遺殷浩之書則掌故可識觀
輔惟良李夢陽高拱馮從吾之記則學校之盛衰
營建之興廢具焉建倉有文開渠有說而宦蹟著

退思有銘疏河有誓而官箴垂矣至于韓琦之作
行狀薛瑄湯斌之表誌王士正之傳楊漣劉理順
葉方霽汪琬之贈言此皆天壤偉人增光邑乘者
可不急為纂輯乎然事必核乎實文必求其真或
採之史書或錄之文集或以人傳或以地著依類
鱗次而鄗之藝文備矣作藝文志

制

唐

授崔諤之少府監制

蘇頲 武功人

黃門尚方既設內府為要選衆而求非賢孰與銀青光
祿大夫行太府少卿上柱國趙國公崔諤之承名相之
軌有忠臣之節正無所詘明無不鑒若披雲霧不雜風
塵籍甚才名彬彬文質允茲邦彥尤重時英用符文舉
之遷庶叶孟孫之拜可少府監勲封如故王者施行 見文

苑英華

授崔玄之度支郎中制

孫逖 武水人

勅具官崔玄之識足匡時材宜濟用郎中應列宿之位
慎必擇人軍國當賦財之殷尤宜紀德玄之以名家騏



驥華國璠璣藝苑許其溫恭士林推其端厚得專其任
爰舉舊章佇爾發揮以之贍濟可尚書度支郎中散官
封賜如故

見文苑
英華

奏疏 附表

晉

化俗疏 時風俗趣競禮讓陵遲峻上疏

庾峻 邑人

臣聞黎庶之性人衆而賢寡設官分職則官寡而賢衆
爲賢衆而多官則妨化以無官而棄賢則廢道是故聖
王之御世也因人之性或出或處故有朝廷之士又有
山林之士朝廷之士佐主成化猶人之有股肱心膂共
爲一體也山林之士被褐懷玉太上棲于邱園高節出
于衆庶其次輕爵服遠耻辱以全名最下就列位惟無

功而能知止彼其清劬足以抑貪汙退讓足以息鄙事
故在朝之士聞其風而悅之將受爵者皆耻躬之不逮
斯山林之士避寵之臣所以爲美也先王嘉之節雖離
世而德合于主行雖詭朝而功同于政故大者有玉帛
之命其次有几杖之禮以厚德載物出處有地旣廊廟
多賢才而野人亦不失爲君子此先王之弘也秦塞斯
路利出一官唯有處士之名而無爵列于朝者商君謂
之六竭韓非謂之五蠹時不知德惟爵是聞故閭閻以
公乘侮其鄉人郎中以上爵傲其父兄漢祖反之大賜

斯否任蕭曹以天下重四皓于南山以張良之勲而班
在叔孫之後蓋公之賤而曹相諮之以政帝王賢德于
上俗亦反本于下故田叔等十人漢廷臣無能出其右
者而未嘗干祿于時以釋之之貴結王生之襪于朝而
其名愈重自非主臣尙德兼愛孰能通天下之志如此
其大者乎夫不草百王之弊徒務救世之政文士競智
而務入武夫恃力而爭先官高矣而意未滿功報矣其
求不已又國無隨才任官之制俗無難進易退之耻位
一高雖無功而不見下已負敗而後見用故因前而升

則處士之路塞矣又仕者黜陟無章是以普天之下先
競而後讓舉世之士有進而無退大人溺于動俗執政
撓于羣言衡石爲之失平清濁安可復分昔者先王患
向之所以取天下者今之爲弊是故功成必改其物業
定必易其教雖以爵祿使下臣無貪陵之行雖以甲兵
定功主無窮武之悔也臣愚以爲古者大夫七十懸車
今自非元功國老三司上才可聽七十致仕則士無懷
祿之嫌矣其父母八十可聽終養則孝莫大于事親矣
吏歷試無績依古終身不仕則官無秕政矣能小而

能大可降還涖小則使人以器矣人主進人以禮退人
以禮人臣亦量能受爵矣其有孝如王陽臨九折而去
官潔如貢禹冠一兔而不著及知止如王孫知足如疎
廣雖去列位而居東野與人父言依于慈與人子言依
於孝此其出言合于國檢危行彰于本朝去勢如脫屣
路人爲之隕涕辭寵如金石庸夫爲之興行是故先王
許之而聖人貴之夫人之性陵上猶水之趣下也益而
不已必決升而不已必困始于匹夫行義不敦終于皇
輿爲之敗績固不可不慎也下人并心進趣上宜以退

讓去其甚者退讓不可以刑罰使莫若聽朝士時時從志山林往往間出無使入者不能復出往者不能復反然後出處交泰提衡而立時靡有爭天下可得而化矣

見晉書庾峻本傳

讓中書監表

亮為明穆后兄明帝卽位以為中書監

庾亮 邑人

臣亮言臣凡庸固陋少無殊操昔以中州多故舊邦喪亂隨侍先臣遠庇有道爰容逃難求食而已不悟徼時之福遭遇嘉運先帝龍興垂異常之顧眷同國士又申以婚姻遂階親寵累忝非服弱冠濯纓沐浴芳風頻煩

省闈出總六軍十餘年間位超先達無勞被遇無與臣比小人祿薄福過災生止足之分臣所宜守而偷榮昧進日爾一日謗讟既集上塵聖朝始欲自聞而先帝登遐區區微誠竟未上達陛下踐祚聖政維新宰輔賢明庶寮咸允康哉之歌實在至公而國恩不已復以臣領中書將示天下以私矣何者臣于陛下后之兄也姻婭之嫌實與骨肉中表不同雖太上至公聖德無私然世之喪道有自來矣悠悠六合皆私其姻者也人皆有私則謂天下無公矣是以前後二漢咸以抑后黨安進婚

馬氏縣志 卷之十五
族危向使西京七族東京六姓皆非姻黨各以平進縱
不悉全決不盡敗今之盡敗更由姻昵臣歷觀庶姓在
世無黨于朝無援于豈植根之本輕也薄也苟無大瑕
猶或見容至于外戚憑託天地勢連四時根援扶疎重
矣大矣而或居權寵四海側目事有不允罪不容誅身
既招殃國爲之弊其故何耶直由婚媾之私羣情之所
不能免故率其所嫌而嫌之于國是以疏附則信姻進
則疑疑積于百姓之心則禍成重闕之內矣此皆往代
成鑒可爲寒心者也夫萬物之所不通聖賢因而不奪

冒親以求一才之用未若防嫌以明公道今以臣之才
兼如此之嫌而使內處心膂外總兵權以此求治未之
聞也以此招禍可立待也雖陛下二相明其愚欵朝士
百寮頗識其情天下之人何可門到戶說使皆坦然耶
夫富貴寵榮臣所不能忘也刑罰貧賤臣所不能甘也
今恭命則愈違命則苦臣雖不達何事背時違上自貽
患責耶實仰覽殷鑒量已知弊身不足惜爲國取悔是
以慳慳屢陳丹款而微誠淺薄未垂察諒憂惶屏營不
知所厝以臣今地不可以進明矣且違命已久臣之罪

又積矣歸骸私門以待刑書願陛下垂天地之鑒察臣之愚誠則雖死之日猶生之年矣

見晉書庾亮本傳

復中原疏

時石勒新死亮有克復中原之謀故上疏

庾亮

蜀胡二寇凶虐滋甚內相誅鋤衆叛親離蜀甚弱而胡尚彊竝佃竝守修進取之備襄陽北接宛許南阻漢水其險足固其土足食臣宜移鎮襄陽之石城下并遣諸軍羅布江沔比及數年戎士習練乘釁齊進以臨河洛大勢一舉衆知存亡開反善之路宥逼脅之罪因天時順人情誅逋逆雪大耻實聖朝之所先務也願陛下許

其所陳濟其此舉淮泗壽陽所宜進據臣輒簡練部分乞槐棘叅議以定經畧

同上

辭贈永昌公印綬疏

庾亮薨成帝親臨及葬又贈公冰上疏

庾冰 邑人

臣謹詳先事亦曾聞臣亮對臣等之言懇懇於斯事是以屢自陳請將迄十年豈直臣好讓而不肅恭顧曩時之釁近出宇下加先帝神武算畧兼該是以役不踰時而凶疆馘滅計之以事則功歸聖主推之于運則勝非人力至如亮等因聖畧之弘得效所職事將何論功將

何賞及後傷蹶責踰先功是以陛下優詔聽許亮實思
自効以報天德何悟身潛聖世微志長絕存亡哀恨痛
貫心膺願陛下發明詔遂先恩則臣亮死且不朽

同上

辭論功疏

時下詔復論
前功水辭云

庾 水

臣門戶不幸以短才贊務爨及天庭殃流邦族若晉典
休明夷戮久矣而于時顛沛刑憲暫墜遂令臣等復得
為時陳力殉國之臣因之而奮立功于大罪之後建義
于顛覆之餘此是臣等所以復得視息天壤王憲不復
必明于往讐也此之厚幸可謂弘矣豈復得計勞納封

受賞司勳哉願陛下曲降靈澤哀恕由中申命有司惠
臣所乞則愚臣之願於此畢矣

見晉書
庾亮傳

上北伐疏

庾 翼 邑人

賊季龍年已六十奢淫理盡醜類怨叛又欲決死遼東
孰雖驍果未必能固若北無掣手之虜則江南將不異
遼左矣臣所以輒發良人不顧忿咎然東西形援未必
齊舉且欲北進移鎮安陸入沔五百瀆水通流輒率南
郡太守王愆期江夏相謝尚尋陽太守袁真西陽太守
曹據等精銳三萬風馳上道并勒平北將軍桓宣撲取

黃季欲并丹水搖蕩秦雍御以長轡用逸待勞比及數
年興復可冀臣既臨許洛竊謂桓温可渡成廣陵何充
可移據淮泗赭圻路永進屯合肥伏願表御之日便決
聖聽不可廣詢同異以乖事會兵聞拙速不聞工之久
也

見晉書
庾亮傳

復上北伐疏

翼北伐帝及朝士止之
不從至夏口復上疏

庾翼

臣近以寇有弊亡之勢蹇率所統致討山北竝分見衆
畧復江夏數城臣等以九月十九日發武昌以二十四
日達夏口輒簡卒搜乘停當上道而所調借牛馬來處

皆遠百姓所穡穀草不充並多羸瘠難以涉路加以向
冬野草漸枯往反二千或容躓頓輒便隨事籌量權停
此舉又山南諸城每至秋冬水多燥涸運漕用功實爲
艱阻計襄陽荆楚之舊西接益梁與關隴咫尺北去洛
河不盈千里土沃田良方城險峻水路流通轉運無滯
進可以掃盪秦趙退可以保據上流臣雖不武意畧淺
短荷國重恩志存立效是以受任四年唯以習戎爲務
實欲上憑聖朝威靈高畧下藉士民義慨之誠因寇衰
弊漸臨逼之而八年春上表請據樂鄉廣農穡穀以伺

二寇之釁而值天高聽邈未垂察照朝議紛紛遂令微誠不暢自爾以來上參天人之徵下採降俘之言強寇衰滅其日不遠臣雖未獲長驅中原馘截凶醜亦不可以不進據要害思攻取之宜是以輒量宜入沔徙鎮襄陽其謝尚王愨期等悉令還據本成須到所在馳遣啟

聞

見晉書
庾亮傳

到郡獻詩表

時穆帝頗愛文義義獻詩諷諫故上表

庾 羲 邑人

陛下以聖明之德方隆唐虞之化而事役殷曠百姓凋殘以數州之資經瞻四海之務其為勞弊豈可具言昔

漢文居隆盛之世躬自儉約斷獄四百殆致刑厝賈誼歎息猶有積薪之言以古況今所以益其憂懼陛下明鑒天挺無幽不燭弘濟之道豈待瞽言臣受恩奕世思盡絲髮受任到東親臨所見敢緣弘政獻其丹愚伏願聽斷之暇少垂察覽

見晉書
庾亮傳

明

起用陳情疏

梁廷棟 邑人

臣一介草茅起家留曹薦歷前官客歲備兵濟南代攝武德道事正當逆璫專國之時中外脅息權奸接踵臣

父原任太常寺少卿梁克從遺書戒臣勿得詭隨衆流
陷身邪黨上負主恩下忝所生臣奉教唯謹無何而建
祠之議興矣故事地方有大興作率由本道轉呈臣愚
昧以爲安史祠堂新葬功德皆大逆不道事頭可斷此
詳必不可轉當事者諒臣顛執亦不復相強卽日具詳
乞歸其後上梁塑像臣遂稱病不出而無如璫燄之薰
灼何于是再詳求去情益迫辭益堅矣當事者哀臣愚
顛再三挽留且以危言相聳蓋恐告病犯祝釐之戒終
養迕奪情之局也臣父知臣數立異同慮有不測手書

促歸一日三遣時臣監試事竣拜表卽行至十月方奉
俞旨此臣去齊實蹟昭然在人耳目者要之不過潔身
遠害不辱其親而已非有仗節死義砥柱狂瀾之功也
廷臣以此薦臣臣愧悚無地不自意得當聖明溫旨褒
嘉起臣田間授以一路之任臣外吏也例不敢辭臣父
向者促臣之歸正欲留此身名爲今日圖報地亦不聽
臣辭且海沂之間餘孽未靖人臣奔走之義尤不可辭
但臣尙有隱憂二事今日不言異時駭機暗發臣不足
惜恐傷陛下知人之明爲起用諸臣之玷萬死無以贖

罪先是去年七月間登鎮總兵太監胡良輔檄取臣道軍馬文冊意在矯奪兵權蓄謀叵測臣恐激變地方堅持不報八月鎖圍之役登鎮中軍太監金捷遺書按院爲生員王泰端求通關節臣反覆力爭事因以寢此臣區區孳甝守器忠于陛下之職分其事關涉甚大怨毒亦深方今聖明在上羣奸屏息臣自可恃以無恐但小人反側未安時懷報復臣愚頓之性不善俯仰萬一蹉跌爲宵人所中臣父懸車十餘年老矣雖欲再邀陛下錫類之仁左右就養豈可得哉伏乞陛下收回成命容

臣仍以原官養親再念調兵爲機密重事衡文爲薪樵大典勅下該部嚴加申飭使典衣典冠各有不奪之節造士俊士永無倖進之竇其于中興盛治不無小補也

鄆邑被災陳請旌卹疏

鄭二陽 邑人

竊照天未厭禍中原被之乃有如闖曹兩賊之窮兇極狡至使疆吏坐困守土見讐如今日之甚者蓋狡至不殺人不放火而開門迎降者恐後矣慘至屠城不遺噍類而登陴固守者寒心矣據督師與臣書云南陽告陷賊燄愈恣逆旗所指守令郊迎名城之化爲狼窟者已

五六處矣臣讀之方切驚詫忽有河南撫臣差官到皖據稱闖曹兩賊自南陽來於十二月初九等日連破洧川許州長葛通許等縣鄆陵知縣劉振之典史杜邦舉以不投降書並磔於北關賊駐鄆陵五日燒縣六房放獄囚沿門洗擄折毀房屋慘不可言等情臣聞之不勝痛哭竊思臣邑城池守具頗亦高堅足恃乃聞其不攻自破令尉駢首寸鬻從此尚有爲國家効死者哉撫臣所云中州一塊土總成敗世界矣事勢至此一方何足惜第如腹心潰瀾天下安危何哉此時正未知汴城作

何狀而民之塗炭則已甚矣惟乞諭催漕科臣於被兵被災州縣量爲寬恤若追呼以迫走險將來剿兵之費又且不貲不可不熟慮較畫也然則爲今日河南計者調發大兵以援之多方補助以整之腹心重地誠有義不容以刻緩者至於鄆陵縣知縣劉振之典史杜邦舉抗義守節罵賊身死尤前此城陷諸臣所未有儻不從優旌卹俾人知凜凜大節足與日月爭光則迎降者且揚揚得計而不復望以効死之誼矣謹疏

見益樓集

按此疏題後卽發部議隨經尚書馮元颺題覆奉旨劉振之准贈太僕寺少卿廕一子入監讀書

附鄆邑災荒揭

鄭二陽

爲下邑災荒異常懇乞俯賜賑卹豁免繁差以保子
遺事年來災荒疫厲民厄已極卽鄆陵城市之間無
慮白骨如莽每歎流賊所不到土賊補之土賊所不
到凍餓補之凍餓所不到瘟疫補之浩浩中原彌望
邱墟間有樹而盡屬無皮雖遺垣而半係燒燬瓦礫
充斥蓬蒿載道此一屬目而卽見者且以市中米價
言之不啻百十倍於往昔遍攷史冊從來罕聞若非
仁人君子大發惻隱之心孳孳拯救雖使循例套舉

恐亦不能起白骨而肉之也况或以難堪之差靳
橫委卽曰官實屬吏不敢逆命然而民力竭矣將奈
之何匪第民力之竭甚且一戶中有闔門俱死者豈
能呼餓鬼而使之耶他差不具論如米差一宗乃里
下本等差役在二十年前人皆爭當此差剩有餘貲
置產乃自丙寅丁卯而後餘貲未聞或減忽剝爛米
一說攤派里保名曰櫃頭銀流毒至今豈不仰煩台
慈調劑無奈頭緒茫然迄猶同於道築又有草梢一
宗此乃修河之具往例藩司先發草價嗣徵草梢解

至河干惟是鄢陵僻在汴南距黃河尚三百里乃令
昇草梢以治河揆之情理原爲非度然當其始發纔
數十金耳後爲豪強者牟利其間於是每年鑽領數
百金任意科歛使費支吾交納草不必盡到河干也
是以里下雖出幫貼猶不甚爲民害今則鑽領之人
業已飽欲弛擔而每年頒發多金如故熒熒小民既
苦歲比不登又不能交通衙蠹勢不得不遠昇草束
於數百里之外其盤剝之艱辛交納之刁難有吞聲
忍死以應之而已嗟嗟誰實爲牟利之私者遂令通

邑世受無窮之害也爲此仰祈仁人君子俯鑒下邑
僻遠不復再發銀兩到鄢感且不朽卽不然察照初
例止發數十金亦感且不朽至於別項差役非所應
得統乞勿或委役幸甚若夫設法拯救多方賑卹揣
在公祖父母自有經濟妙用二陽惟與父老子弟屏
息聽命渥沐如天之賜而已

見舊志

國朝

豫省年荒拯濟疏

王曰溫 邑人

臣聞自古無常豐之年而有常豐之政儲粟發倉此在

平曰言之似近迂緩而以南北衝要之地當饑饉迫切之際不可不急爲拯救者無如河南之災荒是也臣辦事戶垣見河撫臣董國興題報夏災秋災如歸德永城夏邑虞城彰德汝寧汝陽西平遂平上蔡等處仰沐皇上浩蕩之恩准與蠲免萬姓莫不驩呼感戴但災傷雖止數處而全省實皆儉收目今穀價騰湧民間惶惶載道有求升斗之粟而不可得者臣卽本省人也從田間來目擊去年穀價每石不過二錢麥價每石不過三錢夏月赴京之時已至兩倍今乃穀價一兩止糴石餘

麥價一兩止糴七斗較之常年竟四五倍矣方當三冬廩積之時業已年荒穀貴如此何況來歲三春青黃不接嗷嗷之民復將安望且河南一省北拱神京東連山左西逼潼關南鄰荆襄爲四方扼要之地自吳逆變叛以來大兵經過多由河南撥解錢糧多由河南遞運軍器多由河南護送

御馬多由河南而又有河夫之僉黠柳枝之採運無不多由河南卽使民間家給人足亦幾疲于奔命今日饑荒困憊若此豈不更爲難支臣又見河撫臣爲汝屬歲

荒實甚一疏內稱汝上西遂四邑十室九空草籽樹皮
搜食殆盡加以瘟疫流行死亡逃散甚衆請撥倉糧賑
濟兼請分年帶征等語撫臣就地方之情形通斯民之
緩急隨時措置已盡運籌苦心因思地方饑饉四縣爲
最穀價騰貴通省皆然現在之饑民業蒙拯濟已發之
倉廩急須預備伏乞

皇上勅部速議推廣撫臣所請令于各州縣穀貴民饑
之處皆儘現在常平倉穀迅行賑濟除現任官鼓勵捐
輸外不論本籍紳衿肯行好義輸粟助賑者酌所輸之

多寡報官咨部或獎或敘分別施行其有富家大賈貯
有積穀者亦行廣加勸諭令其及時發糶毋許閉倉遏
糶務使地方之穀數頓增則民間之價數自減中州之
民生獲安卽邊隅之餘氛可靖矣冒昧竇陳伏乞

睿鑒勅部速覆施行

見都諫
奏疏

